

Q. D. B. V.

DISSERTATIO MEDICA
INAVGVRALIS,
SISTENS

UTERI MOLAM,

QVAM

SVB DIVINI TERQVE SANCTI
NVMINIS AVSPICIIS,

IN *ALMA ARGENTORATENSIVM VNIVERSITATE*

EX DECRETO ET AVCTORITATE

GRATIOSISSIMÆ FACVLTATIS
MEDICÆ,

PRO LICENTIA

SVMMOS IN ARTE MEDICA HONORES

ET

PRIVILEGIA DOCTORALIA

RITE LEGITIMEQVE CAPESSENDI,

SOLEMNI ERVDITORVM EXAMINI

SUBMITTIT

WOLFFGANGVS GEORGIVS PARROT,

Moeno-Francofurtenfis.

Ad D. x. April. A. R. S. M DCC XXXIII.

H. L. Q. C.

ARGENTORATI,

TYPIS, JOHANNIS HEINRICI HEITZII.

SACRI ROMANI IMPERII
LIBERÆ AC PERILLVSTRIS REIPVBLICÆ
FRANCOFVRTANÆ AD MOENVM

INCLYTO

MAGISTRATVI,

VIRIS,

GENEROSISSIMIS, GENEROSIS, NOBILISSIMIS,
MAGNIFICIS, MAXIME STRENVIS, AMPLIS-
SIMIS, EXCELLENTISSIMIS, PRVDEN-
TISSIMIS, CONSVLTISSIMISQUE

DOMINIS,

PRÆTORI,

CONSVLIBVS,

SCABINIS,

SYNDICIS,

AC RELIQVIS

SENATORIBVS,

SALVTIS PVBLICÆ STATORIBVS

VIGILANTISSIMIS,

PATRIÆ PATRIBVS

PRÆCLARISSIME MERITIS,

DOMINIS MAECENATIBVS

AC

PATRONIS SVMMIS

SVBMISSO OBSEQVIO

AC

PERPETVO PIETATIS CVLTV DEVENE-
RANDIS,

AVSPICATAM REGIMINIS FELICITATEM, SEMPITERNVM
FORTVNARVM INCREMENTVM, IMMORTALEM
FAMILIARVM SPLENDOREM,

EA, QVA PAR EST ANIMI SVBMISSIONE;
APPRECATVR,

HASQUE THESES INAVGVRALES
IN SVI SVORVMQVE STVDIORVM COMMEN-
DATIONEM

D. D. D.

ILLVSTRIVM VESTRORVM
NOMINVM.

DEVOTISSIMVS

AVCTOR.



P R Æ F A M E N.



I Nter alios casus quamplurimos in foro Medico occurrentes, de quibus Medicus renunciare tenetur, ac multas in iudicando difficultates creant, non postremi sunt,

ubi de imprægnatione facta, ac de vera & falsa graviditate iudicium ferre debent. Graviditatis quidem signa admodum dubia atque fallacia esse omnes Medici conveniunt. Quis igitur mirabitur? illos in re hac delineanda tantopere titubare, ac in tam varias circa conceptionem, foetus formationem atque partum sententias abire. Conceptionem quidem alii in ovario, alii vero in utero fieri disputant, quidam eam ab animalculo, quidam à spirituosa seminis masculini aura peragi contendunt. Ovarium ipsum alii in abdominis cavitate, alii in uteri cervice positum esse volunt. Aquas, in quibus tempore gestationis foetus natat, alii urinam, sudorem alii, alii lympham quandam peculiari

culiari ductu ibi depositam esse asserunt. Formationem corporis alii animæ, aut principio cuidam plastico adscribunt, alii è contrario à staminum in ovulo præexistentium extensione & explicatione derivant. Nutritionem foetus in utero alii per os fieri, alii vero per funiculum umbilicalem à sanguine materno nutriri foetum perhibent. Partum ipsum quidam defectui nutrimenti, quidam spatii angustis, quidam aëris liberioris denegationi, alii legi naturæ adjudicant, ob quas causas foetus diutius in ergastulo suo contineri nequit, sed exitum sibi parat. Tempus quoque pariendi in homine quibusdam videtur incertum, quod alii in hoc æque ac brutorum familia certissimum esse demonstrant. Præcipue vero graviditas vera à spuria & apparente difficillimum deprehenditur opus, quamobrem de hacce tantæ & tam magnæ in Medicina obortæ sunt controversiæ & tantopere inter se disputarunt Medici æque ac Physici. Operæ itaque pretium facturos nos esse duximus, *præsenti hacce Dissertatione Inaugurali exhibere, quomodo conceptio molarum in utero muliebri peragatur.* Quod ut Deus Ter. Opt. Maximus ad sui gloriam, ægrorumque salutem dirigat, optamus piisque precibus efflagitamus.

CAPVT I.

De vi atque origine vocis Molæ.

S. I.



I, teste Philosopho, ordo omnis est ratio, optimum factu rati, illum etiam hic, qui rationi & congruus & Philosophis maxime solennis est, sequi ducimus, præ rerum investigatione tradere nominis Onomatologiam. Originem itaque trahit vox Mola à Persica Molin, quod carnis parturitionem denotat, uti LAMZWERD.

de Molis uteri cap. I. & RÜFFEN Hebammen-Buch L. V. c. I. tradidere. Errant igitur, qui à Græco *μύλη*, molam, aut *μύλον* rotundum, derivare student, cum neque molæ molendinariæ vices in utero materno agat, neque figura, neque actione cum illa, quæ machina est, conveniat.

S. II.

Circa Homonymiam variæ quidem vocabuli hujus acceptiones occurrunt, vel enim est *Mechanica*, quo sensu Mola indigitatur, v. g. frumentaria, vel *Medica*, quæ rursus est, vel *Anatomica*, ubi vox Mola competit maxillis vid. GAL. L. de offib. C. 23. & LINDEN. Exercit. XI. S. 148. unde etiam dentes *μύλαι* audiunt, quod usu suo molas referant; item patellæ genu. vid. BARTHOLIN. Lib. IV. Anat. C. 21. vel *Pathologica*, cum per molam inflamma-

tionem & scirrhum uteri intelligunt, de quo vid. ÆGINETAM L. V. c. 69. ab AVICENNA modo pro carne quadam in utero excrescente habetur, modo ab aquis & flatibus dependere molam scribitur. Sed nos per vocabulum Molæ speciali significatione hoc loco nihil aliud indigitamus, quam carnem informem & inutilem, in utero muliebri conceptam, quam Germanice efferunt ein Mutter Gewächs/ item ein Mohn-Kaib/ eine falsche Empfangnuß/ cui falso in Dissertatione quadam de Conceptu Fatuo 1729. hic ventilata nomen datum fuit, eine Versammlung/ cum tonsoribus lippisque notum sit, obstetrices per verbum Versammlung minime molam aut conceptum fatuum, sed sanguinem menstruum retentum intelligere. Galli eam vocant la Mole & distinguunt inter la Mole & faux Germe. Vid. DIONIS Tr. d' accouch. L. II. Cap. 15. & 16. MAURICEAU d' accouch. L. I. C. 10. la MOTTE L. I. C. 7. VIARDEL Tr. d' accouch. p. 50.

§. III.

Ratione Synonymiæ multas mola utique sortitur appellationes. HIPPOCRATES L. I. de Morb. Mulier. carnem vel massam quandam informem & inutilem in utero muliebri conceptam vocat. GORDON. Pract. L. VII. C. 18. frustum carnis enorme. CASTELL. ovis subventaneis analogum quid. LAURENTIUS conceptum vitiosum. RODERICUS à CASTRO de Morbis Mulier. L. III. C. 7. pondus uteri iners: aliis foetus mendosus, imprægnatio mendosa audit. FRANCISCUS JOEL Tom. IV. tumorem carnosum, conceptum fatuum, & WEDELIUS Pathol. Sect. III. C. 6. massam immobilem, carneam, informem, tenacem, fibrosam appellat. Plura qui desiderat, adeat FRANC. Dissert à BONET. POLYALTH Tom. III. L. V. C. 24. excerptam

§. IV.

§. IV.

Missis jam hisce tanquam minus utilibus, ad magis necessaria atque ad alterum Dissertationis nostræ caput properamus, ubi paucis brevibusque verbis tradere nobiscum decrevimus, quomodo generatio vera fiat, ut deinde eo melius quid per falsam conceptionem, hoc est, per conceptum fatuum sive molam intelligamus, pateat.

CAPVT II.

Quomodo opus generationis in homine
peragatur, tradit.

§. I.

ANtequam ad generationis contemplationem nos accingamus, statim B. L. hortamur, nos consulto ea fisco transire pede, quæ de animæ humanæ ortu & de corporis ab anima fabricatione perhibentur. Ea enim omnia utpote altioris indaginis argumenta controversias inanes & superfluas generant, multisque erroribus cum religione & ratione pugnantibus præbent occasionem. Etenim quis adeo lynceis unquam instructus fuit oculis, ut abstrusum & in abditis plane corporis partibus peractum generationis negotium inspicere atque demonstrare potuerit, quomodo anima nostra à parentibus procreetur; impium enim & religioni Christianæ contrarium esset asserere, animas omnes primitus jam tum una & semel à Deo creatas esse, aut adhuc singulis generationum actibus ab Eo creari. Ut taceam, infeliciorem hominem præ brutis animalibus fore, quoniam ipsi facultas procre-

andi sui simile esse denegata. Quamobrem melius ii faciunt, qui dicunt, quod corporum animalium rudimenta in ovulis jam delineata lateant; quamvis intellectu comprehendere ac sensibus nullatenus assequi id ipsum liceat, ex eo tamen sequi videtur, ea nuda tantum evolutione & extensione opus habere.

§. II.

Pendet igitur vita embryonis à primo illo momento, quo imprægnato in ovulo à semine masculino motus ille plasticus inchoatur, toto deinceps vitæ tempore continuandus. Quæ quidem rudimenta adeo licet sint initio exilia & oculorum aciem effugiant, imprægnata tamen à liquore genitali masculino in utero evolvuntur & explicantur, sumtoque, quod primis diebus sufficit, alimento & incremento tandem conspicua fiunt; mox hominis formam assumptura & deinceps majorem ambitum acquirunt, id tamen vitalitati ejus nihil derogat, cum non à mole corporis, sed à vitali illa determinatione pendeat. Quamobrem nulla videtur adesse necessitas, ut animæ rationali corporis fabricationem adscribamus, eamque architecti munere in exstruendo corpore fungi existimemus, quia ipsam rerum in eodem actarum parum consciam esse experientia docet. Nec etiam est, ut quis credat, ac si partes aliæ aliis in generatione antecedant, & primo tempore cor, deinde cerebrum, post alia membra successiva quasi generatione producantur & in vivum explicentur foetum. Notum enim est, machinam corporis non instar ædificii exstrui, sed ex conjunctis inter se & coherentibus ductibus, quos succi vitales semper interluunt, constructam esse, quæ partes tam solidæ quam fluidæ se mutuo exagitant & ad motum instigant. Sic neque cor prius quam cerebrum, neque hoc

hoc ante cor, aut pars alia ante aliam generatur, sed omnes simul existunt. Hoc jam HIPPOCRATEM observasse ex scriptis suis patet, quippe qui *L. de Locis in hom.* dicit: *Pincipium corporis nullum esse, sed omne similiter principium & omnia finis.*

§. III.

Multo minus LOEVVENHOECKII ejusque affectuum sententia de generatione animalium ex animalculis vivis, semini virili innatantibus, talis est, quæ nobis probari possit, quoniam hoc pacto ex multis millibus animalculorum vivorum cum semine una vice emissorum unicum tantum, aut certe pauciora, cohærent, & scutum humanum constituerent. Quid autem de reliquis fiat? non patet, quæ tamen, quoniam vita jam tum gaudent, animam humanam certe ante conceptionem possidere deberent. Ne dicam hoc modo embryonem unice à patre dependere, cui mater nil præter nidum ac nutrimentum præberet, id quod sane non modo difficultates insuperabiles creat, sed & toti generationis negotio contrariatur, quod fusius infra, ubi de molis nobis sermo erit, demonstrabimus.

§. IV.

Relictis itaque sententiis istis parum vel nihil probantibus, ad eorum potius castra transimus, qui conceptionis rationem in eo collocant, quando in conjunctione maris cum foemina pars feminis spirituosæ, ovulum ingressa, in staminibus in hoc præexistentibus, ac sigillatim in puncto, uti in ovis incubatis vocatur, saliente, seu rudimento cordis motum vitalem expansivum excitat, quo ipso in homine anima modo incomprehensibili producit ac generatur; uti pluribus hoc à BRENDelio *Diss. De embryone in ovulo ante conceptionem præexistente, demonstratum.*

§. V.

§. V.

Quando itaque semen masculinum apta utriusque sexus organorum genitalium combinatione in aruum muliebrem injicitur, aura ejus subtilior per tubam Fallopianam eo tempore ovario, mediantibus fimbriis expansis, applicatam, intra ovum ibidem latens penetrat atque illud foecundat, tunc vera exin sequitur conceptio, vera graviditas. Ex quibus patere potest, primo genituram partium, de qua in antecedentibus verba fecimus, quam multi conquisitis rationum momentis tueri annisi sunt, nullam esse, rectiusque rem explicuisse MALPIGHIIUM, qui, omnia corporis membra in ovuli cicatricula sculpta & descripta esse idoneis adductis rationibus, contendit. Superfluum esse videtur quærere, an cor ante cerebrum, aut sanguis ante cor gignatur, cum sensibus pateat, ante incubatum carinam manifesto in cicatrice jacere, inchoato autem incubatu vasa in limbo repleta turgendo occurrere, deinde ex motu cordis ventriculos, & exinde continuatos arteriarum tubos. Et licet excurrans fluidum notas omnes non habeat veri sanguinis, probabiliter tamen censere possumus, sanguinis non solum materiam esse, verum & sanguinem, cum ipsæ partes vivificentur & augeantur uti in adultis contingit. *Op. posthum.*

§. VI.

Non ignoramus, Medicorum Celeberrimorum quamplures conceptionem in ovario, ovulique foecunditatem per adjunctum tubæ canalem descensum difficilem judicantes, in ea hærare sententia, ova ante conceptionem ad uterum descendere, ibique demum à semine masculino foecundari, alii per sanguinea vasa absorptam auram seminalem testibus circulationis via adduci autumant.

Alii

Alii porosam uteri substantiam in congressu foecundo ad dilatationem necessariam suscipiendam rarefactam semini ad testes aditum concedere putant. Alii e contrario, novum aliquod ovarium in orificio uteri interno stabilire voluerunt, expeditiorem ita viam censentes, qua semen proliferum facilius in ovula, ibidem collocata, penetrare possit, quam si per tubam cum ovario non cohærentem, sed libere in abdomine fluctuantem, ad ovaria hæcenus nota transire opus habeat.

§. VII.

His autem mirandæ quorundam observationes, foetuum perfecte formatorum modo in testibus, modo in tubis Fallopiæ inventorum, contradicunt. Quarum notabilis est, quæ in *Ephemeridibus Gallorum* refertur. Hujus commatis illa etiam est observatio, qua non solum foetum extra uterum in abdomine, verum & ovulum, in quo primum foetus rudimentum conspicuum fuit, quod JACOBUS GRANDIUS *Venetis* animadvertisse dicitur apud BARTHOLIN *de ovariiis mulierum*. Quin huc etiam pertinent, quæ de cane gravida in *Anglor. Phil. transact.* 147. referuntur, eoque redeunt, quod aliquando canis cujusdam gravidæ foetus, ex vehementi percussione matri illata perempti cadaverum suorum putredine summa uteri cornua ita impleverint, ut nihil quicquam ex ovariiis ad uterum transire potuerit, hæc nihilominus canis stimulante iterum libidine denuo concepit, sed dum adhuc in utero gessit, mortua est, cujus aperto cadavere foetus jam formati, sed ob denegatum ad uterum transitum, in abdomine hærentes inventi sunt. Quæ observatio fere cum illa, quam Excell. D. D. GRAMBS *Physicus Francof. Celeberr. Patronus noster venerandus* 1730. cum orbe erudito communicavit, convenit. Quippe qui in cadavere scemi-

næ cujusdam 53. annorum massam quandam informem atque monstrosam pilis, ossibus & dentibus gaudentem, & mesenterii centro adnatam, octodecim libras ponderantem, invenit. Ad molarum autem speciem recenferi illam minime posse, infra docebitur. Nec alienum à re est, quod CYPRIANUS in peculiari epistola refert, dicens, quod aliquando foemina in tuba Fallopiana conceptum gesserit, qui post XXI. menses, salva matre, excisus fuit. Præter quem & RIOLAN. *anthropograph.* L. II. C. 35. GRAAF *de Organ. mulier.* C. 14. DIONIS *Tr. des accouch.* L. I. C. II. MAURICEAU *Tr. des accouch.* Lib. I. Cap. 5. consulere operæ pretium est.

§. VIII.

Ovulum foecundatum, oborta intrinsecus turgescencia, successive e claustris, quibus firmiter antea cohærebat, prorumpit, ac extrorsum tendit, & à tubæ parte anteriori exceptum, versus uterum descendit, ibidem asservatur, & brevi post, explicatis magis in exteriori ejus tunica fibris, cum hoc cohæret, & ab hoc, velut à foecundo agro, vegetatur. Per hanc itaque viam embryo, intercedente funiculo umbilicali, succum nutritium habuit, cujus beneficio foetus ad plenariam sui perfectionem & magnitudinem perducitur. Ex quo ad oculum patet objectionis istius vanitas, ac si nihil genituræ masculinæ post coitum in utero reperiatur, quin potius mox denuo effluat, ut & quod *Dexterrimus MAURICEAU* in *Tr. modo cit.* Lib. I. C. 2. allegavit, ubi voluit, marem generari à feminis masculini in utero materno prædominio, foeminam e contrario, si semen muliebri prævaluerit, verba ejus hæc sunt: *Ceux qui ne veulent pas ouvrir les yeux pour reconnoître une vérité si claire, doivent faire reflexion sur la grande ressemblance des enfans à leur mere, laquelle ne vient que de ce que la semence*
avois

avoit dominé celle de leur pere, quand il les fit; ce qui arrive de meme maniere, lorsque celle du pere a plus de force & de vertu. Quam opinionem forsitan ab HORSTIO desumpsit, qui in Diss. de causis similitudinis & dissimilitudinis in fœtu respectu parentum eandem sententiam fovet.

CAPVT III.

Quomodo Molæ generantur, exponit.

§. I.

Cognita nunc officina, in qua genus humanum cuditur, & generationis Physiologia, quantum quidem ad præsentem Dissertationem quadrat, prælibata, ad scopum nostrum propius accedimus, generationem in depravato ovuli statu consideraturi. Nam etsi alias generare masculi, concipere foemellæ proprium habetur; atamen nihil impedit, quo minus & generationis vocabulum sexui sequiori accommodemus, quatenus generatio & activi & passivi quippiam involvit, atque in sexu potiori per seminis foecundi immisionem, in ovario autem muliebri per vitalem conceptionem absolvitur.

§. II.

Quod si vero contingat, ut loco seminis prolifici substantia peregrina, & morbofo caractere imbuta, ad uterum deponatur, hoc est, ipsa ovula rudimenta & stamina foetus in se non contineant, rude & indigestum corpus quoddam, seu molam oriri necesse est, de qua impræsentiarum specialius agere decrevimus.

§. III.

Est itaque mola caro vel massa quædam carnea, informis ac rudis, vasis innumeris sanguiferis pertexta, ossibus carens, in utero raro cum, frequenter sine foetu producta, orta ab ovulo subventaneo per auram seminalem vivificato, & in uterum per tubam Fallopianam voluto, plerumque tertio vel quarto mense, larga concomitante uteri hæmorrhagia vel cum, vel sine doloribus, præsentaneo nonnunquam vitæ periculo, rejecta.

§ IV.

Ex data hac definitione patet, quid per molam intelligamus; cum autem persuasum habeamus, omnes molas proficisci ab imperfecta quadam conceptione, non incongruum fore credimus, verba PHILIP. VERHEYENII hic exprimere, in *Anatomia sua* scribentis, in mulierum testibus nonnunquam & quidem præter naturam reperiri vesicularum genus, ipsis sæpe ovis majorum, quæ continent humorem magis aqueum coctionis interventu in substantiam albuminis non coagulabilem, quemadmodum alias in vesiculis secundum naturam constitutis fieri solet, quæ aquæ fervescenti impositæ, ad instar ovorum a pennatis depromptorum, colorem, saporem & consistentiam illorum albumini acquirere cernuntur. Confirmat hoc suo omni exceptione majori testimonio incomparabilis MALPIGHIIUS in *Diss. de utero*, ex his, inquit, dubitari potest, vesiculas, quæ quocunque tempore copiose in ovariiis luxuriant, inæqualem sortitas magnitudinem & concrescibili colliquamento plenas, non esse vera ova, quæ postremo fecundentur, sed materiam, ex qua fortasse glandulosum luteumque corpus excitatur. Quod ipsum & Clar. DE GRAAF de *cunicul. generat.* adfirmat, ibi enim Celeberr. Vir, sedula cuniculorum gravidorum inspectione edoctus, pro certo refert, quod ipsæ vesiculæ post factam conceptionem non solum manifeste
in

in glandulosum corpus paulatim mutantur, verum etiam quod genuina ova suo tempore in utero quærenda decuplo minora, vesiculis in ovariis constitutis, appareant, expressis verbis docet. *conf. BERGER de natur. human. L. II. c. I. BOHN Circul. Anatom. Physiol. programm. 1.* Jam vero nullum est dubium, quia si vesiculæ illæ genuina ova essent & in quibus embryo contineretur, facta conceptione, non tam amplificarentur quam embryo magis cresceret; siquidem auram genitalem, cum elastica sua multumque activa virtute materiam vesiculæ ingreditur, ea magis extendere, ratio quodammodo dicitare videtur.

§. V.

Ex quo phænomeno sua sponte promanat, causam molæ in ejusmodi mulieribus in flaminum, quæ in aliis ovulis sunt, defectu quærendam esse. Unde vero hæc ineptitudo ovuli muliebris dependeat, & an illa sit con-nata an adventitia, & quidem vel a vitio massæ sanguineæ mulieris, vel extrinseco, culpa viri, aut impotentis, aut segnioris ad rem veneream, altioris indaginis videtur, de hoc enim inter se certant Autores, & adhuc sub judice lis est, quapropter hæcce capite sequenti examini subiciemus.

CAPVT IV.

In Causas molarum inquiri.

§. I.

ORdo Dissertationis jam postulat, ut & causas, quæ ad molarum conceptionem ansam præbere possunt, describamus. Minime autem credimus, eas in vitio quo-

dam humorum seroso adventitio, & hinc sequente motu spirituum irregulari, quærendas esse. Errant igitur omnes ii, qui accusant semen paternum, dicentes, ab illo molas produci, si corruptum sit, aut debita quantitate peccet, dum id, quod præsens est, activitatem, ob paucam copiam proportionatam, non obtineat, sed cum debita & desiderata multitudo desit, exigua hæc quantitas vim suam amittit, aut qualitas ejus sit vitiata, ubi se priori contrarium offert, sc. necessaria quidem adsit materiæ seminalis copia, deficient e contra vires, quæ fœcundando ovulo adæquatæ esse deberent, aut si vitium consistat in superflua aciditate salina coagulativa, quod POMPEIUS SAC-
CUS in novo suo Medico Systemate Sect. I. Cap. 14. obtinere voluit.

§. II.

His vero causis nondum contenti fuere Medici, sed & in ipsa matre quasdam quæsierunt, duplicem ei culpam, qua molæ generentur, attribuentes. Spiritus nimirum genitalis muliebris, dum in activitate sua, semini virili, in ipso conceptionis puncto, non respondet, vel si alia quædam seminis virilis activitatem & energiam eludunt, In priore casu putabant peccare ipsum principium vitale maternum, quod, quia debilitatum ex variis causis cum femine virili non, ut par est, coadunari, & ita ad perfectam conceptionem aptum reddi possit. In posteriori accusant omnia, quæ semini masculino liberum ad uterum aditum denegant, ut sunt uterus præternaturaliter constitutus, aut si nimis densus est, quo impeditur, ut orificium ejus non tam commode sese aperiat, atque semen recipiat, aut serosior & humidior si sit, quo spirituositas absorbetur, aut ovaria ovulaque ipsa præternaturali sero abundant.

§. III.

§. III.

Nec minus & istas mulieres conceptui fatuo esse obnoxias voluerunt, quæ veneri nimium indulgent. Sicuti vero omnes supra allegatæ causæ fictæ sunt, & minus cum experientia conveniunt, ita & hæc merito rejicitur, cum constet & comprobatum sit, ovulum imprægnatum minime per reiteratos amplexus viriles corrumpi posse, sed semen omne, ob orificium uteri clausum post cohabitationem, effluere; sicuti & uteri status præternaturalis, tanquam causa hujus mali accusari minime potest, quoniam ille ad conceptionem nullum aliud symbolum confert, quam ut ovulo imprægnato, domicilium præbeat; id quod etiam de ovario valet, quam sententiam ab HIPPOCR. *Seç. V. Aphorif. 62.* usque ad nostra tempora retinebant. Quid vero congressus mensibus imminutibus, aut fluentibus, aut nondum plane cessantibus, ad generationem molarum faciat, non videmus, cum ne quidem credamus, hoc tempore, ob orificium uteri apertum, conceptionem fieri posse.

§. IV.

Errant quoque ii, qui causas molarum in sex rebus nonnaturalibus quærunt, cum neque æer, neque cibi, neque potus anam huic malo præbeant, multo minus agitationes corporis aut vigiliæ immodicæ, aut iracundus & in orgasmo constitutus animus, & quicunque morbi nominari possunt, molam in utero generent; Quid vero terror, tristitia, motus, ligaturæ infimi ventris strictiores, ad earum conceptionem faciant, non videmus. Cum non ab hisce, sed à longe alijs causis oriantur, uti Capite seq. demonstrabimus. Ante vero quam harum rationes ulterius reddamus, non alienum ab instituto erit, inquirere in sententias veterum, quidnam illi de

de molis, earumque generatione senserint, ut collatis utrinque cum Veterum, tum Recentiorum rationibus, facilius judicare possimus, quanam veritati magis consentiant.

§. V.

Veteres nimirum Medici, quorum animi variis adhuc involuti erant tenebris, in diversas abierunt sententias, & nullo firmo ac stabili fundamento subnixi, commentaque opinionum sequentes, huc illuc tanquam incertis acti tempestatibus fluctuarunt. Ac HIPPOCRATES quidem copiam sanguinis menstrui, ac seminis debilitatem accusavit, & ex iis nasci molas statuit, quando *libro de sterilitate*, hisce utitur verbis: *fit mola in utero cum mensum copia exiguum & minime robustum semen virile conceperit aut etiam muliebne*. Quam sententiam repetit *Lib. I. de Morb. Mul.* ARISTOTELES autem ansam generationis molarum in affectiones hystericas, ex Galenicorum intemperie frigida & humida nascentes, & abundantiam mensium, feminisque debilitatem conjicit, unde coctio legitima deficit, de quo vid. *Lib. IV. de generat. animal. Cap. 7.* Ab his non multum abiit GALENUS *Lib. XIV. de usu part.* jam ipsum, inquit, *femineum semen gignere per se fœtum non potest, sed maris semen omnino flagitat, cum quo oportet misceatur, ita ut utrumque semen in unum motum conspiret*. Nam tametsi gallina citra gallinacei operam ova subventanea concipiunt, ex illis tamen animalia excludere nequeunt, quandoquidem ut ea perficerentur, masculi caliditatem desiderabant, ast mulierem nemo vidit unquam, sine viro vel molam vel ejusmodi quippiam concepisse. DAN. SENNERTUS *Prax. Libr. IV. part. II. Sect. IV. cap. 19.* proximam molæ causam consistere putat in facultatis formatricis errore, certumque habet, eam facilius contingere, si menstrua non solum

lum redundant , sed impura etiam ac nutriendo foetui inepta existant. Quam sententiam quoque retinuisse VARRANDÆUM probabile videtur , quippe qui molam nasci ex imbecillitate utriusque sanguinis, præcipue masculini, dum superare vim foeminini non pollet , existimat, *de morb. & affect. mulierum.* Idemque sentit MAURICEAU *tr. des accouch. Lib. I. Cap. X.* La mole, inquit, n' est autre chose qu' une masse charnuë &c. engendrée contre nature dans la matrice ensuit du côté des semences corrompues de l' homme & de la femme. LA MOTTE *tr. des accouch.* eandem obtinuit opinionem. FERNELIUS semen viri actionem quidem & perfectionem foetus inchoare, eam tamen non perficere, sed extingui affirmat , adeoque molam vel ut imperfectum quid ad genus perfecti referendum esse, & ad genus carnis humanæ , sicut embryo ad genus hominis refertur, uti loquitur PAULUS de SORBAIT *Med. Pract. Tract. I. Cap. 87.*

CAPVT V.

Placita hodiernorum Medicorum circa
molarum generationem explicat.

§. I.

Explicatis atque descriptis Veterum opinionibus ad Recentiores progredimur , quippe qui meliora edocti aliter quoque judicare cœperunt , inter quos primo nominamus JOH. BAPT. de LAMZWERDE , qui in tractatu suo *de molis uteri* quidem non penitus ab HIPPOCRATIS sententia discessit , paulo tamen aliter enarravit, & sicuti ille semen morbosum ac paucum , mensum-
C que

que redundantiam accusavit, ita hic culpam in defectum quarundam particularum & impeditam partium evolutionem explicationemque conjecit. Quam sententiam JOH. JAC. HARDERUS quoque amplexus est, dum ad molæ generationem ovum non modo maturum sed fecundatum quoque requiri statuit; quod ordinario naturæ motu per vias quoque ordinarias in uterum delatum est, ut ex ipso foetus naturalis progignatur. Verba ejus ita se habent: hæc ipsa autem natura actio, quando à violento quopiam pervertitur, molæ generatio in procinctu est, cujusmodi quidem à matris perversa imaginatione vel vehementioribus animi pathematibus frequenter accidit, imo cum ipsæ partes in ovo earumque fibræ tenellæ admodum sint, quin ab humorum, quibus alias nutriuntur, acrimonia vel vehementiori impetu rumpi, vel erodi, indeque in unam massam rudem & indigestam coalescere queant extra aleam ponendum autumo. Epist. ad GEORG. WOLFFG. WEDEL. Confer. Ephem. Nat. Cur. D. II. Ann. II. obs. 185. de molæ generatione & differentiis.

S. II

Excell. CHRISTIAN. VATER Prof. Witteb. Celeberr. in Dissert. quadam de molis 1702. ventilata tradidit, molas à reventis post partum secundum oriri, ita nempe pag. 12. & 13. scribit: inter alias autem molarum causas primo loco merito nominamus reventa, ubi ea, quæ uterum post partum expurgare debebant, intactus remanent, adeoque accumulata non solum naturæ vim inferunt, sed etiam fundamenta ad generandas molas ponunt. Etenim omnibus parturientibus ac præcipue humanis, à natura ingentum est, ut post enixos foetus massa illa carnea ac fibrosa, & vasis dives seu secundina pariter edantur, unaque cum istis humores illi cruenti seu lochia, quæ vocant, effundantur adeoque uterus hoc modo repurgatus in se coeat, pristinamque figuram repetat. Quod si vero id minus contingat varii generis mala, ad quæ etiam

etiam molæ tam infestæ pertinent, exinde ortum ducunt, ac in totam machinam corpoream redundant, quæ si non perniciem interitumque afferant, valetudinem tamen labefactant, aut morbos diuturnos producant. COURVEUS autem de Nutrit. Fœt. statuit, molam ex vero conceptu nasci, quando nimirum ille ab humoribus inter chorion & amnion existentibus inundatur quasi ac deformatur, ut ad perfectionem suam pervenire nequeat, sed in rudem ejusmodi & informem molam concreascit. Quem & Dn D. OSTER-TAG in Dissert. cit. §. 7. secutus, dum in illa vult conceptum fatuum exinde oriri, si embryonis funiculus umbilicalis casu quodam fortuito vel rumpatur vel saltem mutuus sanguinis circulus à foetu in placentam & ab hac in embryonem impediatur, verba ejus ita sonant: *conceptum fatuum fieri, quando ovulum muliebri per auram seminalem vitali motu imprægnatum, perrupta ovarii membrana, viam tuba Fallopiana præbente in uterum delatum, ibi mediante illa, qua ovario inhaesit, fibrilla nunc placenta munus suscipiente, radices agit succumque nutritium maternis ex arteriis recipit, hincque cum inibi inclusus fœtus lineamenti, tandiu augmentum capit usque dum circulationis sanguineæ à matre in fœtum, & è fœtu in matrem per funiculum umbilicalem, filo causa quadam occasionali abrupto, vitalis ille motus cessat, stamina embryonis oblitterantur, placenta autem vasa, cum utero arte connexa à continuo irruente sanguine circulatione sua orbato in dies replentur, mole augentur, tandemque ordinarie circa tertium quartumve mensem copia contentorum fluidorum rupta, hæmorrhagiæ uterinæ, & hinc ab uteri contractione enatis concomitantibusque dorsi ac pubis doloribus, parturientium nisibus, ex amissim respondens, suamet exclusioni ansam præbent.*

§ III.

Non ignoramus, sententiam hancce à D. D. LAMZ-

WERDE desumptam esse, quippe qui in *Tract. cit. p. m.* 258. & seqq. eandem de molis recentet opinionem: nulla, dicens, *verisimilitudine nititur eorum opinio, qui carnem ex solo sanguine & semine muliebri in utero virginis generari posse docent; quorum Autorum gravitate seducti, qui semetipsos jugulant, dum molam cum ovis subventaneis à gallina virgine enixis comparant nam ovum subventaneum non est massa carnea, nec ex illo ulla generatur caro.* Et in alio loco hæc allegat verba: *illa molæ species, quam describit KERCKRINGIUS nullam patitur difficultatem, quippe quæ prius embryonem conceptum præsupponit, quod sine maris auxilio fieri non posse omnes fatentur.* Ut vero omnis tollatur scrupulus atque demonstretur, omnia hæcce neque cum ratione neque experientia convenire, Cap. sequenti non solum adversantium argumenta, sed & solutiones eorum, & quæ in scholis Medicis pro nostra opinione afferri solent, in medium adducere animus est.

CAPVT VI.

Objectiones quasdam circa molarum generationem diluit.

§. I.

Allegata modo accuratius paulo consideraturis, tria nobis occurrunt argumenta, quorum *primum* est, quod molæ à vera conceptione generentur, *secundum*, quod ruptura funiculi umbilicalis aut retentio secundinarum post partum ansam generationi molarum præbeat, *tertium* denique, quod membra & rudimenta foetus obliterentur: Ad quæ autem jam respondebimus, atque demon-

mon-

monstrabimus , quam falsa & nonnisi in cerebro Automati ficta & concepta sint.

§. II.

Primum quod attinet membrum , à vera nimirum conceptione molas generari , hanc sententiam quamplurimos quidem Physiologos & Medicos fovisse, & præeunte KERCKRINGIO pro aris focusque defendisse non ignoramus, sicuti etiam non negamus, etiam prima sua incunabula femini deberi masculino, & à foecundo coitu molas generari, alias enim ovulum minime in motum concitari , neque per tubæ ductum ad uterum ferri posset. Sed saltem hoc volumus , quod ovulum ejusmodi imprægnatum , quia nulla foetus rudimenta in se continet, nulla etiam exinde sequi possit vera graviditas, nec verus partus. Est igitur in suo genere verus conceptus sed non perfectus, quia deest principium principale, à quo foetus generetur & producat. Minime enim maris contactus illum supplere potest defectum, non enim grana sine germine duplicatis etiam solis radiis germinabunt. Sic semen masculinum, quamvis omnibus instructum sit requisitis ad foecundationem necessariis, nunquam tamen aggredietur generationis perfectæ actum, nisi & ovulum omnibus gaudeat requisitis.

§. III.

Objicies nobis *nulla foetus rudimenta in ovulo muliebri reperiri, sed saltem post conceptionem embryonem formari*; hoc est, foetum primordia sua vermiculo in semine masculino contento debere; respondemus, nos minime latere, singularem hancce imprægnationis rationem LÖWENHOEK Tr. Arcan. Nat. det. in Epist. ad CHRIST. WIEN, Præs. Societ. Reg. in Angliap. 28. & 30. tradidisse, ubi gloriatur, se in seminibus masculinis brutorum, avium, piscium imo etiam insectorum detexisse animalcula. Quem & secutus JOH. LUD.

HANNEMANNUS M. N. C. D. 2. A. 2. *Obſerv.* 55. ubi dicit, ſi microſcopio humanum contemplamur ſemen, diverſorum animalium myriades in eo repunt ac motitant; eandem retinuit opinionem NICOL. ANDRY Tr. de la generat. des vers Cap. III. *Artic. I. & Celeb.* BOERHAAVE *Inſt. Med.* §. 651. & alii quamplurimi modernorum Medicorum, qui omnes volunt animalculum unum vel alterum ſemini inexiſtens maſculino, in ſœcundo congreſſu ovulum intrare, ac dein utero matris adhærere, exinde alimentum ſumere atque in fœtum formari maſculum vel fœmineum, prout diverſi ſexus vermis fuit.

§ IV.

Aſt ut taceamus, nullum Anatomicorum tam felicem fuiſſe, auram ſeminalem, à qua generatio peragitur, ſolam & non cum ſemine craſſiori permixtam microſcopiorum ope inſpiciendi & examini ſubjiciendi, ut in illa ejusmodi animalcula nobis detegere potuiſſet, ita hæc fœcundationis ætiologia lubrico ſtat talo, & experientiam contrariam experitur. Imprimis vero accuratiſſimus ovorum pennatorum Scrutator MALPIGHIIUS in Tr. de format. pulli in ovo ipsis contrariatur, dum in ovorum pridie editorum, nec dum incubatorum cicatriculam inquirens, in centro ejus ſacculum contineri, coloris cinerei & in colliquamento natantem, cui rudimentum pulli tanquam amnio incluſum ſit docet. Cujus obſervationi & alii Autores, è quibus VATERUM, VERHEYENIUM, BLANCARDUM, & GRAAFIUM nominari ſufficiat, ſubſcribere non dubitant. Sicuti & hæcce obſervatio, quam D. Dr. SCHEID *Pract. Arg. & fideliffimus meus in arte obſtetricandi Præceptor* mecum communicavit, veritatem hujus rei magis declarat. Quinimirum in ova columbarum incubata inquirens, talia invenit, quæ veram præſe ferebant molæ ſpeciem,

speciem, hoc est, massam quandam in illis observavit car-
neam, quæ non tam nulla fœtus stamina in se continebat,
quam potius vesiculam aqua plenam visui sistebat. Ex
quo concludere licet, hæc ova fuisse subventanea, quæ
ob calorem externum ab incubatione ortum, ita concre-
bant. Quilibet, qui de veritate hujus asserti dubitat, ex-
perimentum quoque imitari potest, hoc saltem obser-
vet monemus, ne ova ejusmodi incubata ultra 12. dies
inaperta relinquat, alias enim in materiam concre-
dunt duram & fere lapideam, quod idem observavit modo
laudatus D. D. SCHEID. Nec ullum nobis relinquitur
dubium, quin eodem modo sese res habeat in homine,
præterquam enim, quod rationi admodum congruum est,
in similis structuræ corporibus procreandis, similem quo-
que motum naturam adhibere. Ita etiam ex Chymicis
notum, nullum spiritum vermibus scatere, sed iisdem
destillatione facta deorbari, quod acetum destillatum pro-
bat, cum autem aura feminalis nihil aliud quam pars quæ-
dam summe spirituosa sit, ita etiam vermes in illa existe-
re nequeunt, sed eosdem saltem in semine crassiori con-
tineri credimus. Qui tamen, tanquam minus ad gene-
rationem utiles, iterum cum materia feminali ex utero
effluunt & nullum in eo socium seu sodalem relinquunt.

§. V.

Hæc modo allegata vera esse, molarum genera-
tio docet; nam si a vermibus conceptio fieret, nullæ a
mulieribus ederentur molæ, nullus esset conceptus fatuus,
id quod tamen experientia quotidianæ repugnat. Sicuti
& hocce veritati contrariatur, à *funiculo umbilicali disrupto*
& *inde sanguinis circulatione in fœtum inhibita* molas generari.
Quis quæso unquam Medicorum & Physicorum fuit, ut
hoc falsum suppositum pro vero vendiderit? Neque est,
cur

cur quis sibi persua-deat ob liberum sanguinis e placenta in embryonem circulum denegatum, aut ob funiculum umbilicalem disruptum molas a mulieribus generari. Et miramur, hæcce à Medico, ne dicamus ab eo, qui & arti obstetricandi incubuit, tradita esse. Notum enim & omnibus cognitum est, funiculum umbilicalem nulla vi externe matri in utero gerenti illata disrupti posse, quia vis non funiculo sed potius secundinis aut embryoni ipsi impingeretur. Et quid si concederemus, vi ejusmodi externa, matri illata, funiculum in consensum trahi, exinde tamen non sequitur illum dilacerari, quia experientia comprobatum est, solida corpora, nisi summe sint extensa, frangi minime posse; funiculus autem in utero materno ob angustum, quod occupat foetus, spatium, & ob sui longitudinem non adeo extendi potest, ut inde ruptura oriatur.

§. VI.

Quod si vero fieret, ut funiculus umbilicalis rumperetur, nonne statim larga hæmorrhagia istam concomitabitur rupturam? Quod vulnus, quia consolidari neque etiam hæmorrhagia medicamentis nullatenus compesci potest, tamdiu durat, usque dum vel contentum in utero edatur, vel mater placida expiret morte, id quod contrariæ sententiæ defensores nolentes fateri coguntur. Hæc jam vera cum sint, extra omnem dubitationis aleam positum quoque est, tam cito embryonis membra putredine consumi aut absorberi minime posse, sed necessario quædam eorum vestigia nobis relinqui debere, quod vero in ejusmodi partu nunquam observamus, sed saltem massam quandam carneam reperimus, & si quædam ossa adsunt, tunc minime molæ nomen ipsi competit, quod modo *allegatus Dn. D. OSTERTAG. l. c.* bene descripsit.

Hanc

Hanc ob causam etiam germen monstrosum, quod supra laudatus D. D. GRAMBS observavit, mola appellari nequit, sed potius inter monstrosa referendum est corpora.

§ VII.

Ponamus vero casum molas hoc modo generari, quorsum quæso abeunt membranæ foetum ambientes? ubi portantur, aut in quam materiam mutantur aquæ, in quibus embryo continetur? Quam metamorphosin patitur embryo, ut membra ejus adeo oblitterentur, ut ne vestigium quidem eorum relinquatur? Quæ sit, ut secundinæ tam mirifico artificio in massam quandam carneam rotundam & ovo similem concrecant? Ad hæc nobis quæso respondeatur. Si quis dicit, membranas à vi externa matri illata disrumpi, & aquas effluere, foetum ob uteri calorem putrescere, sicque secundinis locum dare concrescendi; Ad hæc autem regerimus, hoc si esset, non modo aquæ, sed & sanguis ob læsionem funiculi umbilicalis, aut separationem secundinarum statim effluerent, & id tamdiu continuaret, usque dum omne in utero contentum ope dolorum parturientis, expelleretur, vel manuali operatione extraheretur. Hoc modo secundinis nullus daretur locus in massam ejusmodi carneam ovo similem concrescendi, nec etiam foetus putredine consumeretur, sed statim visui sese sisteret, & manibus palpari posset, cui deinde nomen abortus, minime vero molæ competit.

§. VIII.

Putredinem jam quod attinet, ista membra foetus corrumpi & oblitterari non posse experientia docemur. Possunt enim in locis siccis corpora exsiccari sicque diu ab istis putredo arceri, omnes enim fermentationes & putrefactiones fiunt in liquido, & sic per aquam & in

D

aqua.

aqua. Hinc hyemali tempore, quo corpora animalium congelantur, diu à putredine conservantur, nam in omni fermentatione & putrefactione aqua dissolvit illa principia, quæ mutuam actionem & reactionem præstant. Sic dantur etiam peculiari virtute prædita loca, in quibus corpora satis diu incorrupta manent, uti Tolusæ in Fratrum Minorum coenobio, in loco subterraneo sepulti per DC. annos a putredine non corripuntur vid. BARTHOL. *Hist. Anat.* 62. *Cent.* I. Sic cerebri medulla mollis & non foetens in craniis post 70. circiter annos e puteo Dominicanorum Castrensiis eruta. Observavit BORELLUS *Cent.* II. *Observ.* 36. talia exempla repertorum scil. in tumulis incorruptorum. Sic cadavera ad usum Medicorum vid. CROLLIUS *Basilic. Chym.* p. 358. & fumo carnes animalium exsiccantur quod omnibus mulierculis notum. Verum enim vero non tantum adultorum cadavera mediante sole, igne & locorum naturali siccitate exsucca observantur, sed quoque infantes in utero materno sceletorum instar reperiuntur, quorum exempla vide apud BARTHOLIN. *l. c.* *Cent.* I. *Hist.* 12. & *Cent.* II. *Hist.* 2. PECHLIN *Lib.* I. *observ.* 28. HILDAN. *Cent.* II. *observ.* 52. Magna enim vis est lenti ac diuturni caloris animalis, a quo successu temporis ejusmodi sceleta uterina in offeas etiam statuas transformari possunt vid. *Diff. Exc.* D. D. RUD. JAC. CAMERARII. *Prof. Tub. Celeberr. de fœtu* 46. *annorum.*

§. IX.

Non sola autem spontanea exsiccatio cadavera a putrefactione præcavet, sed possunt quoque servari condimentis & liquoribus balsamicis, spirituosiss, aromaticis, salinis. Sic Reges Peruvianorum pinguedine arboris cujusdam odoriferæ condiuntur, cujus tanta est virtus, ut
cada-

cadaver imbutum corrumpi non permittat. vid. *Diff. CHRIST. HOFFMANNI de pollinct. antiquit. 1669. habit. & GEORGI PASCHII. inventa nov. antiq. p 37.* sic Anatomix peritis nota est famosa ista balsamatio Bilsiana. Merito quoque hic commemoranda mihi venit Anatomici Amstelod. consummatissimi RUYSCHII, qui cadavera liquore & arte balsamandi tam nitida servavit, ut color atque consistentia naturalis cutis, musculorumque visui & tactui sese exhibeant. Ut taceam pollincturam Veterum, quippe qua Ægyptii suos defunctos a putredine præservarunt.

§. X.

Ne vero nimis longe a scopo nostro aberremus, revertimur ad embryones in utero materno latentes, atque considerabimus, quomodo & hi a putredine conserventur. Notum est, corpora ab æeris actu præservata illibata manere. Omnes enim effervescentiæ, fermentationes, putrefactiones unice fere ab æere dependent, hinc in vitris per antliam pneumaticam exsuctis & epistomio clauso possunt conservari fructus alias fermentationibus obnoxii, item & flores, carnes, idque sine ulla alteratione. Quare olim Persis solenne erat, ut priusquam corpora mortuorum humassent, cera oblinirent, ne scil. ab æere, aqua, aliisque externis injuriis tam cito corrumpereantur. Ita quoque insecta varia succino incrustata reperiuntur, quæ propter denegatum æeris accessum nunquam corruptioni sunt obnoxia. Hoc ultimum itaque, æeris videlicet denegatus aditus in causa est, quod foetus in utero materno tamdiu incorruptus, imo parum immutatus retineri & servari possit, & si fieret, ut putredinis vis infringeretur, non in molam, uti jam probavimus, mutaretur, sed potius lapidesceret; unde peccant illi

Medici, qui in alia quadam causa quam in unica hacce, ovulo nimirum subventaneo molarum generationem quærunt.

CAPVT VII.

De variis molarum formis agit.

§. I.

Ex his supra allatis facile judicari poterit, quidnam statuendum sit de molis volantibus, viventibus, mordacibus, quas non solum mulierculæ se vidisse perhibent, sed etiam Medici. Quorum numero LEVIN. LEMNIUS *L. 1. de occ. nat. mirac. Cap. 8. & SALMUTH Cent. 1. observ. 63.* adnumerandi sunt, qui magno studio ejusmodi observationes, ut plurimum a mulierculis enarratas memoriæ prodiderunt. FORESTUS *Lib. XXVIII. observ. 62.* molam accipitris rostrum præ se ferentem observavit. Modo fungum seu manum complicatam, HILDAN. *Cent. 11. obs. 52.* modo cor pericardio inclusum cum cono & basi, BARTHOLINUS *Cent. III. & BLANCARD Cent. V. observ. 98.* modo urticam marinam, LEMNIUS *l. c. modo bulbum* DOM. PANAROL. *latrologism. IV. observ. 46.* modo gallinam, in qua caput cum rostro equilino simile figuratum erat, rursus FORESTUS *l. c. observ. 61.* modo membrum virile PAUL SALMUTH *divers. annot. in Altomar. Cap. 6.* modo aliam figuram exhibet, cujus generis plures descriptas habent CAROL. PISO. *de morbis ex sero Lib. IV. Cap. 5. & BARTHOL. Cent. III. Hist. 84.* LAMZWERD *l. c. Cap. 15.* JOH. SCHENCK. *Lib. IV. & imprimis SCHURRIG. in sua Embryol. Sect. VII. Cap. 3.* Cavendum modo, ne

ne commentis illis fabulosis & ridiculis, quæ vulgo præfertim à foeminis ad quodvis credendum proclivibus narrantur facile credas. Silentio vero hic præterire minime possumus, quin mentionem faciamus historiæ memorabilis, quam MELCH. SEBIZIUS *Prof. olim Arg. Celeberr.* de foemina quadam Argentoratenſi, quæ ventrem supra modum tumidum atque distentum ultra decennium gestavit, & tum hydropes uterino, tum molis carnosæ 76. tum ea hydropis specie conflictata fuit, quæ ascites dicitur, fideliter descripsit.

CAPVT VIII.

De signis, quibus conceptio vera a falsa distinguitur.

§. I.

Perpenſis itaque & veræ & falſæ graviditatis conditionibus, nunc quoque ſigna, quibus hæc ab illa diſtinguitur, perlustrabimus. Quorum alia ſunt genuina, alia vero ſpuria vel mere falſa, ex quo etiam factum eſt, quod nonnulli dubitarint, dari ſigna certa atque evidentia in gravidationis, quod tamen falſum eſſe è ſequentibus patebit. Quamprimum mulier utero concepit, varias, eaſque inſignes in corpore communiter experitur mutationes. Ita enim HIPPOCRATES *de principiis* ſcribit: *Mulier cum in ventre concepit, ſtatim horret, & calor & dentium ſtridor conſequitur, & convulſio occupat tum articulos, tum totum corpus & uterum, ſegnities ac torpor.* At longe plura imprægnationis

indicia paulo post sequi solent, quorum tantus est numerus, ut vix illa recenseri queant, quæ in mulierculis observantur, collegit tamen ea PECHLINUS in *Observ. Phys. Med. Lib. I. observ. 45.* Sunt, inquit, alacres & vegetæ, quæ simul ac contagio seminali sunt infectæ, velut ad nocentis auræ halitum aliam inducunt naturam, corporisque & animi dotes lente amittunt. Statim enim vultus solitus destituit rubor, oculorum orbitæ excavantur & livescunt, caputque & lumbi doloribus artus omnes lassitudine perfunduntur, appetitus non tantum nullus, sed & degener & ad inepta præpostera persuasione productus, consuetorum alimentorum etiam memoria gravis aspectus sæpe intolerabilis, usus diris symptomatibus, inde & vomitu vindicatus; insuetorum contra incredibilis appetentia, & sic cum petuntur deficiunt, major quam a præsentibus, noxa; coctio ventriculi, alvus & pleræque inde functiones depravatæ. Et hæc quidem non omnibus, nec simul & semel; sed aliis initio, aliis toto tempore, aliis proxime ante partum eveniunt. Hæc tamen indicia graviditatis, quamvis in quamplurimis observentur, ea tamen, uti ipsi Autores fatentur, ac quotidiana experientia docet, nullatenus ad universalialia ac perpetua, sed ad accidentalialia potius sunt referenda. Non raro enim evenire solet imo ut plurimum fit: ut virgines morbosæ & pallefcentes, post conceptionem vividiores, vegetiores meliusque valentes evadant.

§. II.

Alia tamen eaque magis essentialia, & quæ per naturam graviditatem necessario sequuntur, indicia temporis successu in foeminis observari solent. Cessat nimirum ordinarie statim post conceptionem, fluxus sanguinis menstruus, percipitur à gravidis tensio abdominis, qua primum insensibiliter, post medium vero gestationis tempus manifesto abdomen intumescit, ac magis elevatur.

Eo

Eo ipso quoque in mammis, præcipue in papillis, pruritus atque punctorii dolores percipiuntur, ac lac quoque pededentim in iisdem colligitur, foetusque ipse tandem adultior factus, motibus fortioribus sui præsentiam notam reddit. Hæc quidem ita sunt comparata, ut ubi conjunctim ac perfecte adfunt, graviditatem præ aliis indicare soleant. Nihilo tamen secius ista quoque signa, si separatim considerentur, aut imperfectiora sint, foeminis ipsis, multoque magis aliis imponere possunt. Quem enim latet? ex quot causis purgatio menstrua, etiam sine imprægnatione turbari, aut plane cohiberi possit, quam è contrario gravidæ interdum, quamvis rarius, ad dimidium gestationis tempus imo ad partum usque experiuntur.

§. III.

Idem esto iudicium de lacte in mammis; lac enim naturaliter non nisi in mammis gravidarum reperitur, interea tamen quandoque fit, ut & in mammis virginum observetur, cujus rei exempla vid. apud ROD. à CASTRO *libr. de natur. mulier.* THOM. BARTHOLIN. in *Cista Med.* nec non virorum, quod refert SCHENKIUS in *Observ. de Lacte & Cel.* TEICHMEYER. *Instit. Med. Leg.* p. 36. Quo pertinet HIPPOCR. *aphor.* 39. *Seç. V. si mulier neque prægnans, neque puerpera lac habet, suppressa sunt menstrua.* Quid vero de signis ex urina desumptis dicamus, facile quilibet intelligit, cum constet ea fallacia esse atque nullum in re fundamentum habere. In gravidis etiam neque colore neque consistentia urina ita alterari potest, ut exinde infallibile atque evidens signum depromi possit. Ejusmodi generis est & experimentum HIPPOCR. *aphor.* 41. *Seç. V. S nolle velis, inquietis, an mulier utero gerat, jamjam dormitura melicratum bibendum exhibeto, quod si alvi torminibus infestetur,*
con-

concepit, sin minus, non concepit. Imo non desunt varia ab Autoribus commendata experimenta cum sanguine gravidæ, nec non cum aliis rebus instituta, quibus ingravidationem probare voluerunt. De quibus vid. VENETTE in *suo de hominis generatione edito tractatu*; de quo tamen monendum, plurima esse mere falsa, imo plane absurda, & nihil exinde probari posse, uti etiam nonnisi in cerebro nata illa signa esse certissime credimus, ratione enim & experientia destituta sunt pleraque, ad quorum numerum etiam pertinent ephelides, quæ à nonnullis pro signo ingravidationis quoque habentur. Oriuntur illæ à sero valde impuro, & in utroque sexu conspiciuntur, imo in nonnullis gravidis ejusmodi maculæ adsunt, quas nostrates efferunt. *Sie hat Kinder-Flecken im Gesicht / sie ist schwanger.* Hoc vero etiam mere fallax esse signum ex consequentibus videbimus.

§. IV.

Inter omnia vero signa optimum ferme ac certissimum foetus motum recensent. Hic enim intra quartum aut quintum mensem in utero gestatus motu sese manifestat, interdum adeo forti, ut & visu percipi possit, & manui abdomen tangenti sensibilis sit. Nec obstat, quod sæpius ejusmodi motus vagi in abdomine oriantur, qui quidem foetus motum mentiuntur, non tamen sunt, atque mulieres sæpissime fallunt, à rerum gnaris vero facile distinguui à veris possunt. Motus enim flatulenti non sunt constantes, sed vagi hinc inde in corpore percipiuntur & effectū quoque sese manifestant. Ne vero Medicus, imprimis iste, qui & arti obstetricandi operam dedit, tam facile ejusmodi signis decipiatur, ei in memoriam revocamus, duo saltem nobis remanere signa, quibus graviditatem certo cognoscere possimus, quorum *primum* est,

est, mutatio orificii uteri interni, quod tactu explorare debet, *alterum* vero prominentia umbilici. Notum vero est, in hydropse aut omnibus aliis abdominis intumescentiis umbilicum fere obliterari, ita ut ne vestigium quidem ejus remaneat; in graviditate è contrario umbilicus circa finem tertii & initium quarti mensis protuberare incipit, & hoc tamdiu durat, usque dum foetus partu est enixus. Causam hujus prominentiæ in eo consistere credimus, quod uterus, qui extenditur & intumescit, intestina quoque versus superiora premat, atque sic cavum abdominis repleat, qua repletionem quoque integumenta communia & sic umbilicus aliquatenus latens extrorsum pelluntur, à quo hæc prominentia infertur. Quæ allegata signa in omnibus gravidis observari, pro certo affirmamus, reliqua vero omnia fallacia esse experientia docet, quamobrem abhibenda istis fides nulla est. Plura de hisce qui desiderat, evolvat MAURICEAU *Tr. des accouch.* L. I. Cap. VI. La MOTTE l. c. Lib. I. Cap. VIII. IX. & XI.

§. V.

Traditis jam signis graviditatis restat, ut & paucis describamus, quomodo ex graviditate cognosci queat, utrum mulier foetum aut molam conceperit. Quam obscura autem hæc sint, patet ex historia D. GRADI, qui in propria uxore se deceptum ingenue fatetur; interim tamen quædam dari perhibent, quorum primum est, figuram uteri ex molæ incremento æqualiter in omnem dimensionem dilatari, ex foetus autem veri augmento versus umbilicum matricem acuminari. 2.) In mola nullam partium distinctionem per diligentem hypogastrii contactum animadverti, sed velut globum quandam versus fundum vergere. 3.) In mola cibi fastidium,

stidium , non uti in foetu eodem modo sese habere sed magis continuum esse & cum majori virium dejectione. 4.) In mola cibi desiderati usu immodicum appetitum non cessare ut in foetu. 5.) Molam ordinarie dolorem punctorium circa uteri regionem subsequi. 6.) In mola mammarum papillas quidem turgescere, sed nullum lac generari 7.) molam majorem graviditatis sensum secum ferre, quam foetum. 8.) Denique molam etiam alio motus modo moveri, quam foetum, quippe illa ut plurimum ex accidenti movetur, quando foemina se de loco in locum transfert, vel quando comprimitur. Hæc autem signa quoque fallacia esse, dum sæpius foetum mortuum aut aliud quid in utero contentum annunciant, docuit LA MOTTE in tr. de art. obstetric. cap. X. Libr. III & unicum saltem dari verum & certissimum signum, quo cognosci possit mulierem mola esse gravidam vult. Hoc autem signum in eo consistere notat, quod venter statim primis post conceptionem diebus intumescere incipiat ; cum è contrario in vera graviditate ante tres menses dicta intumescencia uteri & abdominis non æque observetur. Verba ejus hæc sunt : *Comme la femme, qui est grosse d' une mole, grossit considerablement des les premiers mois de sa grossesse, au lieu que celle qui est grosse d' enfant, ne paroît grosse, qu' apres le deux & troisieme mois, & que celle, qui a une simple suppression de ses ordinaires, souffre les memes disgraces que celle ci ; c'est à dire, que son ventre s' applatit durant les premiers mois ; qu' elle a du degout pour les alimens, qu' elle aimoit le mieux, des envies des choses extraordinaires, des vomissemens, & que son ventre grossit en suite, & continue à se gonfler, jusqu' à ce que la nature évacue ce qui lui est nuisible.* Hæcce signa sufficienter cognoscant foeminæ, quæ plures peperere proles, utpote quæ diversitatem molarum motus, à motu viventis

tis foetus ipsæmet sensu percipiunt & distinguunt, id quod cit. *la MORTE* l. c. exemplis comprobavit.

CAPVT IX.

Molarum curationem exhibet.

§. I.

Denique superest, ut de cura molarum quoque agamus, quæ triplici modo institui debet, vel enim *ante partum, vel in partu, vel post partum* tentanda partim remediis pharmaceuticis, partim manuali operatione, eaque prompta. Remedia ante partum quod attinet, ea semper eo tendant, ut mater corroboretur, quem in finem confortantia præscribenda sunt. Quorum remedium formularum tradere supervacaneum duximus, dum ubique prostant, & saltem seligenda exquisitiora, quæ morbo, subjecto & tempori convenientiora judicantur. Hoc si observabit Medicus, ad optatum finem prægnantem ducet, & mola suo tempore edetur.

§. II.

In Partu autem observandum, ne medicamentis præposteris gravidam turbet, hæc enim fere omnia apud parturientes plus nocent, quam prosunt, dum rarissime optatus ista concomitatur effectus. Hanc ob causam sibi caveat, ne multa præscribat. Et licet varia prostant specifica, quibus partum promoveri volunt, illa tamen expectationi minus respondere, sed interdum majora excitare incommoda ex professo docuit *la MORTE* l. c. *Cap. XXVI. Lib. 2.* Caute itaque agat Medicus apud parturientes, ne propinando remedia, naturam in actionibus suis turbet, sicque partum retardet. Quod si vero quædam desiderantur medicamenta, cordialia suadeat, e. g. Conf. Alkerm. compl. vel incompl. Conf. de Hyacinth.

clnth. & similia. Clysteres quoque hoc in casu haud sunt contemnendi, quippe qui non modo partes internas emolliunt, sed & dolores quandoque parturientibus proliciunt. His si nihil perfeceris, & mola ad ejectionem cogi nequit, ad extremum deproperandum est remedium, nempe ejus extractionem, quam multæ respuunt. Sed quia turris non dimovetur à flatu, à Medico intelligente semper proportio inter morbi magnitudinem, & remedii efficaciam servanda est, unde si prævidemus, quod intentum non obtineatur, manus usurpandæ sunt.

§. III.

Extractio autem molarum sequentem in modum est instituenda, de mola nimirum ejusque adhæsione tactus ope certior factus, sine mora parturienti æque ac adstantibus præsentis hæmorrhagiæ enormis causam exponat, manualement extractionem, ceu unicum & præsentaneum vitam parturienti servandam remedium proponat ac consensu obtento eam ita aggrediatur. Parturientem supinam lecto vulgari, vel huic negotio speciatim adaptato transversim imponat, ita ut clunium situs, per suppositas cuclitras, magis levatus, quam reliquarum partium sit, quem situm accurate nobis *Experiens. Dn. D. GLADBACH Practicus Francof. ad Mœnum felicissimus, Amicus noster æstumatissimus in Dissert. Inaugurali, cui titulus est, quod instrumenta in quovis partu difficili & præternaturali, nonnisi summa urgente necessitate in auxilium sint vocanda. Lugd. Batav. 1732. ventilata descripsit.* Hoc facto manum dextram vaginæ immittat, grumos sanguinis ibi hærentes educat, mollietiem orificii uterini & inibi contentorum duritiem productionemque digito diligenter primitus exploret, hinc ipsum orificio intrudat, sicque circinationis motu sollicitus tentet, ut unum & alterum paulatimque reliquos digi-

digitos , sicque totam manum utero immittere queat. Hoc si obtinuerit, absque omni difficultate molam ab utero pededentim & patienter separet & extrahat. Quo facto momento citius hæmorrhagia cessabit, & sic morbus hincce multa mala imo mortem ipsam matri minans curatus erit. Ubi vero orificium uteri vel ob tumorem quendam illud occupantem, vel ob ejus callositatem nimis stricium fuerit & durum, ut nonnisi unicum admittat digitum, tunc operatio hæcce solo digito indice perfici haud poterit. Quamobrem instrumenta in auxilium sunt vocanda, quibus corpus hoc heterogeneum extrahatur MAURICEAU in *Tract. sæpe allegato. Lib. II. Cap. 31.* nobis forcipem quandam, quam Bec de Grüe nominat, descripsit, cujus ope molas extraxisse se gloriatur. Quem & DIONIS *Tr. des accouch. Lib. II. Cap. 16.* secutus est, dum scribit: *mais si la mole est si grosse, qu'elle ne puisse pas sortir, on se servira pour lors d'un crochet, avec lequel on la tirera.* Alii folius indicis digiti auxilio istam perficiunt operationem, ad fundum nimirum uteri illum protrudendo, molam à parietibus uteri separando, quo facto, ultimum digiti hujus articulum incurvant, molam versus uterum premunt, sicque extra corpus eliminant. Quam periculi plena autem sit hæcce operandi enchiresis, fatebitur, quilibet cui notum est, ejusmodi pressione uterum facile lædi, sicque inflammationem excitari posse. Melius itaque ii faciunt, qui instrumento peculiari ad hoc negotium fabricato utuntur, ne vero & hocce uterus lædatur cavendum, & hac cautela opus est, ut digitum prius eidem immittat obstetricans, quo, ceu duce viæ, certus sit, se nihil aliud quam molam forcipe arripuisse, sicque operationem cito, tuto & jucunde peragat, matremque morti haud raro proximam pristinæ restituat sanitati.

§. IV.

Tandem superest, ut quædam de cura post partum dicamus, quæ ita instituenda, ut enormis sanguinis ja-ctura, quam ob hæmorrhagiam perpessa est, resarciatur atque vires deperditæ restituantur. Quem ita finem præscribenda sunt gelatinosa, e. g. è ras. C. C. Eboris, amygdalis dulcibus, medulla ossium, cancris fluviatilibus cum jure carniū parata; vel lac asininum. Balnea quoque hic haud exigui sunt usus; imprimis vero bonam observet ægrota diætam, atque ab omnibus animi pathematibus sibi caveat, quippe quæ, uti in aliis morborum generibus, ita imprimis in hoc malo plurimum nocere solent, dum non solum retardant curationem, sed etiam valetudini recuperandæ obsunt. Hæc autem si sollicite attendantur, dubium non est, quin hoc modo pristina valetudo restituitur, inque plures annos protrahatur.

§. V.

Curam præservatoriam quod attinet, quam etiam quidam tradidere, hanc eandem esse judicamus, quæ alias de molis virginum ac viduarum commendari solet. Cum enim nullo modo impediri queat, ne ab aura seminali in coitu utero immissa ejusmodi ovulum subventaneum actuetur, ita etiam cura præservatoria hic nullum habet locum, & nonnisi in cerebro illorum, qui & virginibus molas adscripsere, existit.

Et hæc sunt, quæ de molis pro ingenii viribus cum B. L. communicare voluimus, defectum pro benevolentia sua supplere & emendare velit, est quod observanter ab Ipso petimus. DEO autem Ter Opt. Max. debitas exsolvimus grates, pro concessis ad hunc laborem viribus, cui etiam perpetua sit Laus, Honor & Gloria,

T A N T V M.

NOBL.

NOBILISSIMO AC PRÆCELLENTI
DOMINO
WOLFFGANGO GEORGIO
PARROT,

Fautori & Convictori hætenus suo Æstimatissimo,
JOHANNES SALZMANN, D.

Fac. Med. h. t. Prodecanus

εὐπράστη!

CUm in eo jam sis, NOBILISSIME DOMINE CANDIDATE, ut profectuum, quos cum in Almo Noricorum Lyceo, tum etiam nostro fecisti, publicum specimen exhibeas, non possum, quin DN. PARENTI Rerum Chirurgicarum Peritissimo & simul TIBI illud animitus gratuler. Neq; opus esse duco, industriæ, quam in studio Medico adhibuisti, argumenta è longinquo petere; quamdiu apud nos vixeras, in Anatomicis pariter ac Chirurgicis strenuè TE exercuisti, non contentus, Spectatorem vel Auditorem illis exercitiis interfuisse, sed manum operi Ipse admovisti, probe perpendens, sectione cadaverum intimiorem, quam sola inspectione vel etiam Auctorum lectione cognitionem stupendæ corporis humani fabricæ acquiri. Non minus operationes Chirurgicas ab aliis administratas intuitus es, & Ipse juxta artis præcepta eas instituere non prætermisisti. Præ aliis vero arti obstetrican-

di

di operam dare TIBI placuit, in qua addiscenda ita versatus es, ut jactis in Theoria fundamentis ad Praxin TE accinxeris, Experientiamq; TIBI quammaxime commendatam habueris. Proinde etiam Dissertationis Inauguralis loco Thema de Molis Uteri elegisti, & præsentem ingenii TVI foetum felici partu enixus es. Equidem uti abstrusum & ab hominum intellectu remotum est generationis negotium, ita hoc potissimum, de quo impræsentiarum agis, densis tenebris obvolutum, plurimisque difficultatibus intricatum merito appellatur. Sed hoc ipso plus laudis TIBI accrescit, qui in re tam obscura tamque ardua extricanda & in lucem protrahenda vires Tuas experiri nullus dubitasti. Et licet deformis minimeque vitalis jure dicatur moles illa carnea, cujus ortum & à conceptu genuino discrimen nobis tradis, TVVS in hoc schediasmate labor ita comparatus est, ut formam eidem conciliet, & pene dixerim, vitam largiatur. Age itaque & pro hoc ingcnii TVI foetu tanquam pro aris & focis pugna, Medicæque Scientiæ Tuæ amplificandæ porro invigila. Sic fiet, ut quemadmodum DN. PARENS TIBI VENERANDVS Chirurgicam artem à longo abhinc tempore cum nominis fama feliciter exercuit ita Tu Medicinam pari cum felicitate aliquando facias, & ab Utriusque cura & studio uberrimi fructus in Patriam, inque ægrotos quamplurimos redundant. Perscr.

Argent. prid. Non. April. clo lccc xxxiii,

NOBL.

NOBILISSIMO ATQVE PRÆ-
CELLENTI

D O M I N O

WOLFFGANGO GEORGIO
PARROT

Salutem & observantiam

D.

JOH. GODOFREDUS SCHEID.

Med. Doct. Practicus Argentoratensis
& Obstetricans Juratus

Pura essent, NOBILISSIMÆ ET PRÆSTANTISSI-
ME DOMINE CANDIDATE, quæ pro themate in-
servire possent, quo TIBI omni laude digno con-
gratuler. Cum autem de mente mea sincera TIBI
satis superque constet, ideo absque verborum ambagibus,
festinante calamo, & sic rudi minerva, de nunc su-
peratis summa cum laude studiis Academicis, animitus
gratulator, nullus dubitans, quin ea per tot annos diver-
sis in Germania Celeberrimis Academiis præprimis &
hic Argentorati, omni diligentia pertractata, innume-

F

ra

ra etiam productura sint emolumenta. In presenti enim specimine Inaugurali luculentum diligentia TUAE, NOBILISSIME DOMINE CANDIDATE, documentum nobis præbes, non modo aliorum observata, hinc inde in monumentis annotata, proferendo, sed novam plane & nondum ab aliis accurate descriptam DE MOLARUM in utero generatione, conceptione atque extractione materiam nobis exhibendo. Uti institutum hocce TUUM doctis non displiciturum & præconio dignum judico, ita & pace TUA, NOBILISSIME DOMINE CANDIDATE, mea qualicunque institutioni, mutuisque, quos suscepimus, laboribus gratulor, simulque spero, fore, ut nec TE peracti in subselliis meis temporis, nec me collata in TE opera ullum tedium capiat. Gratulor igitur TIBI, de hoc pariter labore ac de utroque examine Doctorali, gratulor Expertissimo Domino Parenti Tuo, quem optimum nunquam non expertus es, atque animitus voveo, ut, superatis divino auxilio itineribus, quæ nunc aggressurus es, felix bonisque avibus ad patrios lares redux horum spem, patriaque expectationem sustineas, atque dignos TUIS studiis & virtutibus laudatissimis Patronos assequaris. Vale NOBILISSIME AC PRÆCELLENS DOMINE CANDIDATE mihi que, quod iterum iterumque abs TE efflagito, nunquam non fave.

Deproperabam Argentinae D. 29. Martii, 1733.

Die / weil sie sehr gelehrt / verwunderung erregt/
 Und Dir ein grosses Lob bey den Gelehrten stift.
 Was Wunder ist es dann ? Daß die so schöne Gaben/
 Wie sie schon längst verdient / beziert die Ehren-
 Kron.

Und einen grossen Ruhm von allen Musen haben/
 Ja jederman Dich ehret als des Apollo Sohn.

Joh. Petrus Divoux M. C. Opp.

Du hast / Geehrtester / nunmehr das Ziel
 erreicht /

Wornach Dein muntreer Fleiß bisshero stets
 gerungen / (gezeigt/

Den Krank / so Dein Verdienst uns längstens schon
 Hat Dir Apollens Hand nun um das Haupt
 geschlungen / (rührt

Erlaube / daß ein Freund / den stets Dein Glück
 Dir mit Ergebenheit zu solchem gratulirt.

Joh. Christoph May.

Ich hat zwar Phoebus nie mit seinem Geist erfüllt,
 Doch heist mich meine Lieb, Mein Freund, Ihm gra-
 tuliren.

Drum muß auch diese nur die Worte für mich führen:
 Der Höchste schenke Ihm / der Weisheit Schwerdt und Schild,
 So wird Er seine Feind, mit welchen Er zu kriegen,
 Mit höchstem Ruhm und Lob, nach allem Wunsch besiegen.

Solches setzt zu Bezeugung aufrichtiger Freundschaft bey

H. K.



PRÆLOQUIUM.



Edicinam paucarum quondam
herbarum fuisse scientiam, qui-
bus sisteretur fluens sanguis,
vulnera coirent paulatim, &c. *L. Annæus
Seneca Epist. 95.* testatur. Ast quo an-
guustioribus olim cancellis inclusus erat ap-
paratus Medicamentorum, eo majorem in
molem, immensumque fere numerum ho-
dierno die excrevit. Tantam quippe Re-
mediorum farraginem nobis suppeditat
Regnum Vegetabile nimirum, Minerale
atque Animale, ut discentes, quænam ex
iis seligant, nesciant, quin potius ingenia
nimia eorum copia facile obruantur.

A

Quam-

Quamvis vero decorum quam maxime sit, ut Medicus omnium quantum fieri potest, remediorum habeat notitiam, ad omnis generis morbos debellandos atque profligandos, attamen selectus eorum, ut instituatur, necesse est, atque præstantiora & usitatoria præ minus talibus memoriæ magis mandentur. Inter talia usu polychresto atque evporisto admodum se utique commendat CUMINUM, cujus virtutes eximias, cum, exantlatis nuper per Dei gratiam examinibus Doctoralibus, Licentia ab Excellentissimo Medicorum Ordine, Dissertationem, uti vocant Inauguralem, conscribendi, benignissime mihi concessa fuerit impræsentiarum, quantum ingenii tenuitas permittet, enodare animus est. Cæterum B. L. rogatus esto, ut, si forte hinc inde hallucinatus fuero, exiguis id ingenii viribus velit condonare, atque conatus meos bono animo interpretari. Faxit Summum Numen ut feliciter!

§. I.



Linter plantas aromaticas, quæ in usum cœconomicum, imprimis vero etiam Medicum cedere solent, non omnino infimum possidet locum CUMINUM. Licet enim rarius inter condimenta recipiatur, tamen ad eadem pertinere & gustus & olfactus probat sufficienter. Hinc etiam ETTMÜLLERUS in Colleg. Pharmac. in Schrœd. pronunciat. *Cuminum est quasi Aroma quoddam nostras, quæ in re præeuntem habuit* PLINIUM, qui in *Histor. Nat. L. 19. c. 18.* hæcce habet. *Condimentorum tamen omnium fastidiis cuminum amicissimum.* Exulet itaque jam licet ex culinis Cuminum, tamen non est quæstio de eo, quod actu contingit, sed quod præstari hac vel illa in re possit. Manebit interim semper Aroma egregiis virtutibus Medicis pollens.

§. II.

Vegetabile de quo sermo est Græcis κύμινον appellatur, quod BODÆUS a STAPEL in *Theophr. Eres. Histor. Plant. comment. l. 7. c. 3.* παρὰ τὸ κύειν, prægnans esse, derivat. Forsan autem à feracitate hoc nomen obtinuit. *Tantæ enim, inquit PENA & LOBELIUS in adversariis stirpium novis, feracitatis est inter oleracea Cuminum, ut etiam maledictis satum uberrimum luxuriet, unde Cuminum quis, quasi prægnans a κύω verbo manasse putet:* De qua methodo cuminum ferendi conferatur supra dictus BODÆUS à STAPEL. Civitate hinc fuit donatum vocabulum Græcum, ita ut à Latinis appelletur, *Cyminum, Cuminum.* Dicitur etiam cum additamento κύμινον ἡμερον, *Cuminum sativum, Cuminum hortense, a cultura, Cuminum Romanum,* quoniam ex Italia adfertur. Germani appellant Rûmich/ Rûmmel/ Rômischer Rûmmel/ Pseffer-Rûmmel/ Kram-Rûmmel oder Krämer-Rûmmel/ Einsen-Rûmmel und Benedischer Rûmmel/ rechter Rûmmel/ Galli vero Cumin nominant. Arabice atque Italice quomodo nuncupetur

annotavit TABERNEMONTANUS in *seinem Kräuter-Buch* /
 4. 1. c. 9. quem adire quis poterit.

§. III.

Umbelliferis Cuminum accenseri plantis Botanicorum consensus confirmat. SAMUEL DALE in *Pharmacol. seu Manuduct. ad Mater. Medic.* p. 2. S. 9. §. 14. de *herbis umbelliferis*, hæc tradit. Ab Ammi differt radice annua, foliis in lacinias minus crebras, nec adeo tenues dissectis, omnium partium quantitate minore, semine etiam angustiore. JOH. RAJUS in *Method. plant. emend. & auct.* sequentia pronunciat verba. Cuminum a Meo distinguitur radice annua, foliis in lacinias minus crebras, nec adeo tenues dissectis, semine minore angustiore incurvo. PAULUS AMMANNUS in *Charact. plant. natur.* ita hoc vegetabile describit. Cuminum est umbella foliis foeniculaceis, semine striato majore. Celeberrimus HERMANNUS BOERHAAVE hac ratione Cuminum descripsisse in *Histor. plant.* sub ejus nomine edita perhibetur. Caulis in multos ramos divisus, folia, ut foeniculi minutim incisa sed minora, flores in umbellam crescentes in summitate ramorum, coloris albi: Semina bina se invicem juncta, striata, oblonga, minima, acuta, coloris cineritii, viridescentis aut flavescentis, odoris penetrantis & ingrati, saporis plerumque acris subamarescentis, semine maturo radix perit. Cæterum convenit in omnibus cum foeniculo, semine saltem non largiori, radice minus crassa & sapore singulari. Videtur hinc non inepte egisse Magnus iste Botanicus JOSEPH. PITTON TOURNEFORT, quod in *Instit. R. H. cl.* 7. S. 2. g. 1. Cuminum ad foeniculum retulerit, cujus characterem vide in dissertatione mea de foeniculo.

§. IV.

Non unam tantummodo plantam Cumini nomine insigniri in confesso est. Species autem, de qua hic

hic agitur, hæc est, Foeniculum Orientale, Cuminum dictum TOURNEF. J. R. H. Cuminum semine longiore C. B. Pin. 147. Cuminum sive Cyminum sativum J. B. 3. 2. 22. Cuminum Dioscoridis Lob. Icon. 742. Meminit quidem alterius alicujus foeniculi orientalis, Cumini dicti semine villoso, TOURNEFORTIUS & RAJUS *Hist.* 433. Sed hoc non est hujus loci, sic quoque nunc non sermo est de Cumino sylvestri capitulis globosis C. B. Pin. quod Cuminoidis nomine insignitur à TOURNEFORTIO, multo minus de Cumino pratensi sive Carvi officinarum. Licet enim hoc ultimum quam maxime sit usuale, nihilominus peculiari indagationi relinquendum judico, cum sit vegetabile usus admodum polychrestii.

§. V.

Si in patriam Cumini inquirimus, utique dubium nullum esse videtur, illud in regionibus Orientalibus & Calidioribus provenire potuisse, & adhuc dum provenire, quare non contradicendum videtur LINSCHOLTANO, qui apud Indos & Persas Cuminum crescere, atque inde copiose in Europam advehi testatur. Hoc interim constat, quod Cuminum ex Italia in Germaniam & ad nos devehatur, sive jam in Apulia, aut alia provincia proveniat atque colatur, sive ex Insula Melita, quæ vulgo Malta hodie dicitur, obtineatur. Audiri hac de re meretur C. BAUHINUS in *Pin.* l. 4. S. 4. ita differens. Cum Dalechâmpii in Plinii l. 20. c. 15. notas legissemus, ex Melita duplex Cuminum, utpote acre & dulce adferri, & apud Megiserum in Melitæ descriptione idem invenissemus, ejus nomine ut haberemus, laboravimus, quare utriusque semen è Melita insula transmissum fuit, alterum oblongum, acuminatum, coloris sordidi, graveolens, & sapore acri, cui Cimona-gero, id est Cuminum sylv. inscriptum erat: quod cum Cumino Æthiopico officinarum convenit. Alterum

vero multo minus, Aniso simile, candicans, gustus lenioris & subdulce, quod nomine Cimonagero dulce missum. Melitenfes copiose illud ferunt, ad panem condiendum, & ad mercaturam cum eo exercendam. Apud nos in hortis tantum colitur, sed rarius, cum alterum sit præstantius.

§. VI.

Plantam JOH. BAUHINUS *Hist. plant. l. 26. de umbelliferis c. 15.* ita ex Cordo describit. Cuminum sativum, five ut aliqui scribunt, Cyminum, parva & umbellifera herba est, altitudine raro pedem excedens (Cæsalp. annua planta brevior cubito) tenuibus & in plures angustas partes sectis foliis (foliis paucis, raris capillis Cæsalp. & flore candido) femine in umbellis (parvis & rotundis Cæsalp.) oblongo, utrimque acuminato, anguloso, cartilagineo, in cineraceo colore subflavo, longitudine quartam uncie partem æquante, gustu subamaro tenui, mediocriter acri & cum gravitate suaviter odorato.

§. VII.

Usum Cumini si considerare volumus, facileprehendemus, quod præter semen vix alia plantæ pars in usum cedat, præsertim, cum apud nos non colatur, & rarissime etiam in ipsis hortis compareat. Nihilominus tamen Herbam Cumini quidam ad asthma commendant. Sic PAUL. DE SORBAIT *Pract. Med. P. I. c. 44.* hæc edisserit. Herba Cumini in prævigilio S. Johannis collecta, & suffumigii loco adhibita, vel ex ea pediluvium confectum, vel etiam ejus decoctum plurimum ad asthma conducere, compertum est. Id quod tum de Cumino sativo, de quo hic sermo, tum de Cumino pratensi, quod alias Carvi vocatur, intelligi poterit. Semen autem Cumini quod concernit, equidem à quibusdam in culinis usurpari asseritur. Ita ab ADAMO LONICERO de *natur. & virib. plant.* pronunciatur, quod Cu-

Cumini sativi plurimus hodie in cibis sit usus. Juxta HIERONYMUM TRAGUM de *Stirp. Histor. comment.* l. 2. c. 19. Cuminum sativum in cibo veluti piper usurpatur. A quo etiam non dissentit TABERNÆMONTANUS, dum l. cit. sequentia apponit verba germanica. Der Pfeffer oder Römisch Kummel wird heutiges Tags nicht allein innerlich und äußerlich zur Arzney gebraucht / sondern er hat auch seinen Platz bey den Köchen funden / die denselben in den Speisen gebrauchen / und dieselbe damit einmachen. Nam, ut DODONÆUS *Stirp. Histor. pempt.* 2. l. 5. c. 5. pronunciat, quod in cibis flatulentum, Cumino addito corrigitur. Sed ut supra jam dictum fuit, vix non omnimodo usus ejus culinaris exolevit. In Medicina autem frequenter adhuc usurpatur.

§. VIII.

Antequam autem utilitatem, quam præstat hoc semen exponamus, haud omnino abs re erit, illius substantiam & naturam lustrare. Ita autem ejus descriptio traditur a PAULO HERMANNO in *Cynof. Mater. Med.* c. 5. Sunt Cumini semina striata oblonga, ex cinereo spadicea, foeniculi feminibus longiora, & crassiora : Sapore acri aromatico ingrato. Ob quam ingratitude nem à quibusdam tantum pro usu externo suadetur, & semen Carvi tanquam gratius pro usu interno præfertur. Nihilominus tamen intus quoque exhibere illud licebit. Quod autem in *Dissert. de Foeniculo* monitum fuit, illud quoque & hic valet, quod nempe hæc semina debeant eligi recentia quantum fieri potest, plena succulenta, oleosa non fursurosa aut carie erosa, à sordibus pedunculis & aliis extraneis bene repurgata. Non invenimus hac in re dissentientem JOH. BAHNUM, l. c. hunc in modum loquentem. Cæterum Cuminum eligitur plenum, flavum aut pallidum, purum, intus pingue, veluti liquore aut oleo madefactum minimeque acerosum. Notandum etiam, quod

& semen hoc diutius quam par est asservatum, viribus orbetur suis, & vel vermiculis erodatur, aut nimis amefcat.

§. IX.

Constant hæc semina, ut PAUL. HERMANNUS *loc. cit.* docet, sale aromatico oleoso temperato, aut, ut ETTMÜLLERUS loquitur, vis ejus uti seminis Anisi, Fœniculi, Anethi, Carvi, &c. consistit in oleo salino temperato, aromatico, quare utique etiam ferculorum poterit esse condimentum. Major quoque Cumino gratia conciliari potest, si, ut anisum atque fœniculum, saccharo quoque obducatur & incrustetur. Refertur inter semina quatuor calida majora, quæ hæc sunt, Cumini, Carvi, Fœniculi, Anisi. Facile ex hisce partibus constitutivis & inde emergente crasi, patet insignis Cumini stomachica virtus. Conducit namque, ut ait ETTMÜLLERUS, stomacho & in affectibus intestinorum cum inflatione stomachi & tympanitide ex cruditate acida in primis viis egregium est. PETR. de BAYRO in *Enchir. de Medend. human. corp. mal. l. II. c. 6.* ita differit. Cuminum quomodocunque sumptum digestionem confortat: vinum vero decoctionis ejus cum fœnugræco dolorem stomachi & intestinorum torsiones ex ventositate tollit. Ad appetitum hinc excitandum, concoctionem assumptorum juvandam deprædicatur, quem in finem Tragæis seu sic dictis pulveribus pepticiis admiscetur, uti & aliis formulis solet adjungi. TABERNÆMONTANUS sequentes nobis commendat formulas. R. Seminis Cumini pulverisati ʒj. diluatur in vino generoso & assumatur mane jejuno Ventriculo contra dolorem stomachi, qui exinde profligatur. Qui torquentur Cardialgia continua sequenti utantur electuario. R. Seminis Cumini pulver. ʒj. Mell. despum. ʒiij. f. elect. de quo mane tantum quantum aliquot cultri cuspidibus capi potest, ægrotantes assumant. Nec sequens respuenda

respuenda videtur formula. \mathcal{R} . Semin. Cumini pulv. \mathfrak{zj} . Piper. nigr. folior. rut. sicc. ana $\mathfrak{z}\beta$. pulverisatis adfunde Oxymell. simpl. \mathfrak{zvj} . Msc. fervetur in vitro & vase lapideo. Quodsi de hac mixtura quis quotidie jejuno stomacho assumat cochleare plenum, digestionem promovebit, & appetitum imminutum redintegrabit. Sicuti talia etiam remedia ex Cumino stomachi nauseam avertunt, uti monet LONICERUS. Imprimis autem inter remedia carminativa non infimum obtinet locum, viscidum nempe attenuando, corrigendo cruditates acidas & hinc stomachi, intestinorumque flatus dissipando & expellendo. Quem in finem audiamus TRAGUM, qui *l. c.* in sequentia erumpit verba. Sunt qui cum Cicere arietino seu pisib. concoquunt, nec sine praecipua utilitate, siquidem inflationes quasvis & flatus ventris discutit, phlegmata lentosque incidit humores, stomachique nauseam tollit. Qua in re consentientem experitur DODONÆUM *l. c.* ita dicentem; intro assumptum Cuminum flatus extinguit, tormina torsionesque sedat. Unde in Colica praesertim flatulenta, tympanitide & similibus affectibus locum habere potest. Ad flatus autem discutiendos imo praeservandos sunt, qui suadent, ut quotidie assumatur hoc semen ad \mathfrak{zj} . usque. Qua tamen in re & illa ipsa cautela, quam in dissertatione de Foeniculo apposuimus, observanda venit, ne vel nimis diu decoquatur, quoniam volatile hoc ipso nimis abigeretur, nec nimium usurpetur, cum malum adaugere hoc modo capax esset. Sic rursus TABERNÆMONTANUS *l. c.* praecipit, ut semper Cuminum ante epulas usurpetur. \mathcal{R} . Sem. Cumini, Sem. foenugraeci ana p. æqu. coqu. in vino, & quotidie de hoc decocto haustum aliquot unciarum assume. Flatibus medebitur illosque discutiet, & dolores ventris mitigabit, id quod non minus sequens praestabit pulvis. \mathcal{R} . Cumin. $\mathfrak{z}\beta$, radic. aut semin. Pimpin. \mathfrak{zj} .

Ventriculorum Gallinaceorum interiorum tunicarum
 No. vj. bacc. laur. excortic. No. vj. gran. Piper. No.
 xxx. f. pulvis qui assumendus in vino, in quo infusum
 erat anethum. Conducet egregie in torminibus ventris.
 Sunt qui ad dolores colicos sopiendos hanc deprædi-
 cant mixturam. ℞. Sem. Cumini ʒj. Sem. fœnic. ʒß.
 Sem. Aneth. ʒij. Caric. pingu. No. x. concis. & contus.
 coqu. in Vin. generos. ℥iij. ad remanentiam duarum
 partium, postea assumatur haustus aliquot unciarum
 mane & vesperi. TABERNÆMONTANUS *l. c.* atque SEB-
 ZIUS in *Tragum. l. 2. c. 119.* tale consulunt enema ad
 profligandos dolores colicos. ℞. Sem. Cumin. man. j.
 Ol. Oliv. ℥bj. vin. alb. ℥ß. coq. invicem ad consum-
 ptionem vini, oleum postmodum colatum injiciatur.
 Quo diutius talis clyster retinetur, eo meliorem edet
 effectum. Notandum autem utique est, ne ejusmodi
 clyisma oleosum nimis calide applicetur.

§. X.

Cum à cruditate acida, pituitosa atque flatuosa non
 raro oriatur singultus atque ructus, & huic malo ob-
 viam ire poterit nostrum vegetabile, si vel per se assu-
 matur ad ʒß. ʒj. in vino aut aceto, aut in his decoqua-
 tur, vel cum aliis remisceatur, v. gr. ℞. Sem. Cumin.
 ʒvj. Sem. aneth. ʒß. Piper. ʒj. fiat pulvis, de quo ʒj. su-
 matur in vino aut alio vehiculo, singultum atque etiam
 eructationes curabit. Non solum autem ventriculi &
 intestinorum flatibus medetur, sed & aliis infimi præ-
 fertim ventris auxilium fert flatulentis, v. gr. inflatio-
 nibus Hepatis atque Lienis & exinde provenienti-
 bus doloribus. Imo, ut LONICERUS habet, omnes corpo-
 ris inflationes cohibet, unde & in cardiaca infantum
 suam promeretur laudem. Non tantum autem usu se
 commendat interno, sed & externo. Sic in oleo co-
 ctum cum polenta hordei, superpositumque ventri tor-
 siones sedat & tumores. Contusum & sacculo inditum

extrinsecus applicatur, ut stomacho frigido succurrat. Quandoque assumitur crusta panis, torretur, maceratur in vino, & conspergitur pulvere Sem. Cumin. applicaturque stomacho, quem roborat, dolentem mulcet & flatibus turgenti succurrit. \mathcal{R} . Sem. Cumin. Sem. Anisi, Sem. Nigell. Menth. Crisp. ana $\mathfrak{z}\beta$. f. pulvis, qui crustæ panis secalini calefactæ & melle inunctæ inspergendus, atque ventriculo applicandus est, pro doloribus ejusdem sedandis. Possêt & panis tostus sumi, qui aceto forti imbutus aspergendus pulvere Cymini & Caryophyllorum, ventriculoque imponendus calidus. Qualem effectum etiam experimur, si Cuminum & herba Polii in aceto decoquantur, & postea spongia decocto madefacta adhibeatur.

§. XI.

Non solum autem in inflammationibus ventriculi & intestinorum conducit Cuminum, sed & in inflatione lienis, aliarumque partium prodest. Juxta ERMÜLLERUM usus ejus egregius est in herniis, præsertim pnevmatocele & hydrocele: tumores enim testium ac scroti ex flatu aut aquoso humore sub forma cataplasmatismatis additum cito tollit recensente DODONÆO. Cum enim hernia sæpius ortum trahat à flatulenta distensione, vel spasmodica intestinorum affectione, & in tali casu durities inde orta blandis fomentis externis resolvenda, & internis aromatibus sistenda, pro his scopis, interno imprimis conveniunt semina quatuor calida majora, quocunque modo usurpata, speciatim HELMONTII exemplo in vino bullita, qui author hæc semina quatuor calida solamen pauperum nominat. Uterinum quoque existit remedium celebre, quoniam enim carminativum est mulieres à doloribus in abdomine, hypochondriis & aliis locis, ubi malum à flatibus præsertim ortum duxit, liberat. REINERUS SOLANDER in *Consil. Med.* S. 4. *Cons.* 8. hæc verba reliquit.

Cuminum est mirabile in confortando matricem , & auferendo ejus ventositatem , & constringendo menstrua alba & rubra, ut dicit Serapio. TABERNÆMONTANUS ad inflationem uteri sequens commendat pessarium, ℞. Cumin. Rom. pulver. ℥iij. Sal. Gem. ℥j. Pulp. Caric. pingu. ℥i℥. Msc. fiat pessarium linteo involvendum, lacte muliebri imbuendum & applicandum. Ad dolores post partum leniendos quoque deprædicatur. ℞. Cumini ℥i℥. flor Chamom. Sem. fœnugræci, Sem. Lini ana ℥j. f. pulvis, cui adde farinæ fabarum ℥j. butyri non saliti recentis ℥i℥. pinguedinis gallin. ℥j. Msc. f. cum oleo irino emplastrum abdomini imponendum. Vel ℞. Cumini pulveris. ℥iij. vitell. ovar. indurat. No. vj. cum oleo lilior. vel aneth. f. l. a. cataplasma, calide apponendum. CRATO in *Consil.* asserit sequens emplastrum sedare dolores post partum. ℞. 3. vel 4. Cepas parum coctas, contunde, adde Cumini pulv. Man. j. flor. Chamom. contus. tantundem, farin. hord. q. s. extendatur linteo, & umbilico applicetur, addi etiam potest farina sem. lini; cum exsiccatum est renovetur. Si dolores ad pedes usque tenduntur, menstrua sua profluentia panno imbuta ibi applicentur. ETTMÜLLERUS in *Colleg. Pract. de mulier. morb.* hocce commendat remedium. ℞. Cepas in aqua coctas No. iij. vel jv. his comminutis adde pulv. femin. Cumini, sem. Lini, flor. Chamom. ana m℥j. farin. hord. q. f. cum sufficiente quantitate aquæ, in qua cepæ coctæ; f. cataplasma, quod abdomini infra umbilicum calide applicetur. Licet autem dictum sit, quod in pessa adhibitum mensium nimium fluxum cohibeat, interim tamen interne usurpatum eadem quoque menstrua promovere poterit, quam ob rem ETTMÜLLERUS hunc in modum differit. Porro menses stimulat, & in specie dolorosos & molestos promovet, & tormina abdominis convulsiva juncta, item tormina parturientium notha. die falschen Wehe egregie compescit

scit, in cerevisia calida ebullitum, & propinatum, adeo ut recte semina 4. calida HELMONTIO dicantur intesti-
norum solamina. In passionibus Hystericis egregie se
habet Cuminum. Nam si mulier quædam tentatur tali
affectu, non opus habet, quam ut Cuminum carboni-
bus injiciat, & suffitum exinde ad genitalia bene ad-
mittat, sic enim motus isti hysterici insigniter sopien-
tur. Laudatur porro ad sterilitatem arcendam, si vel
frequentius illud olfaciant mulieres, vel in vino deco-
ctum Cuminum sæpissime abdomini & imprimis regio-
ni uteri applicetur. Ad fluorem album sequentem for-
mulam laudat TABERNÆMONTANUS, R. Cumini, thuris,
Gummi Juniper. Macis ana part. æqu. f. pulvis. Qui
hoc modo usurpatur. Ægra mulier cubitum itura
lumbos bene obliniit melle, postmodum inspergit præ-
dictum pulverem & linteaminibus obtegit, hocque per
decem noctes repetit.

§. XII.

Licet Cuminum non adeo existat diureticum, ni-
hilominus conducere poterit in affectibus Urinariis.
Hinc ex vino dulci sumptum, difficultati mingendi &
ardori urinæ auxiliatur. Non semper autem requiri-
tur vinum dulce, sed & in vino ordinario ad unum aut
alterum pugillum assumptum stranguriæ medetur. Qui-
dam ad gonorrhœam usum Cumini suadent. LONI-
CERUS & TRAGUS docent, quod Cuminum cum vino
albo à balneo potum regium expellat morbum, sive
icterum profliget. Anthelmintica porro virtute non
destituitur. Ad singultum a quibusdam, ut supra jam
dictum, commendatur. SENNERTUS l. 3. Med. Pract. p.
1. S. 1. c. 10. ita loquitur. Castoreum, inquit Trallia-
nus, alligatum cito singultum sanat; Idem facit Cumi-
num panniculo linteo inditum, & carpo sinistro ma-
nus alligatum. Præterea facit ad emendandum anhe-
litum. Hinc veteres in embammate usurpabant, quæ

ad *hospitium* parabantur, & os suave facere consuevere. Verumtamen pallorem bibentibus gignit juxta *PLINIMUM* l. 20. c. 14. ubi sequentia adjecta reperimus verba. Ita certe ferunt Porcii Latronis, clari inter magistros dicendi, affectatores, similitudinem coloris studiis contracti imitatos: & paulo ante Julium Vindicem assertorem illum à Nerone libertatis, captatione Testamenti sic lenocinatum. Quem in locum ita quidam commentatur de Julio Vindice. Cum ejus testamentum ac hæreditatem Nero captaret: Sic ille Principis cupiditati lenocinabatur, ut ejus amicitia summos honores adipisceretur: dum pallido interim colore simularet adversa valetudine se premi, atque adeo brevi interituum. Rationem hujus effectus reddit ex *Avic. & Serap. CASP. HOFEMANNUS de Medicam. Officin. l. 2. c. 77.* quod nimius usus id faciat: Quia enim vehementer discutit & consequenter siccatur, foris quidem absumit id sanguinis, quod floridam faciebat cutim, intus autem mutat sanguinem in bilem.

§. XIII.

Becchicum quoque sive pectorale remedium existit egregium: pectus namque calefacit, expurgat; & expectorationem promovet. *OTHO BRUNFELSIUS Simpl. Pharm. tom. 3. Rapsod. 59.* hac de re ita loquitur. In vino & aqua, vel aceto & aqua æquis partibus coctum asthmata relaxat & resolvit; cui consensum largitur *DODONEUS l. c.* hæc enuncians verba; utile quoque pectori & pulmonibus refrigeratis, ac humorum copia gravatis in sorbitione aliqua sumptum. Cum ficibus in vino coctum & bibitum, tussim sedat & thoracem expurgat. *TABERNÆMONTANUS* ad tussim sequentia commendat. *℞. Cumin. pulver. ʒβ. Mellis Virginei despumati, Butyri recentis non saliti ana ʒiij. Mfc. f. eclegm. de quo lambatur aliquoties de die cochleare parvum. Conducet & adultis & junioribus. Vel ℞. Cumin.*

Cumin. Piper. Sem. Urtic. ana ℥j. cum Mellis Virginici ℥xii. f. eclegma cochleatim fumendum. Ad raucedinem & vocem claram reddendam sequentes commendantur trochisci. ℞. Cumini ℥ij. Succ. Liquir. ʒvj. Myrrh. ʒβ. Piper. alb. gran. No. xvj. Misceatur cum melle & sapa, & addendo Tragacanthæ in sapa dissolut. q. s. f. l. a. trochisci. Sic quoque externe in raucedine laudatur, dum cuminum pulverisatum cum melle, & oleo amygdalarum dulcium mixtum pectori illinunt. Poterit etiam cum radice Polypodii & foliis Rorismarini decoqui, decoctum melle edulcorari, & ad aliquot uncias aliquoties de die hauriri ad raucedinem abigendam. Quem in finem etiam cum radice helenii poterit commisceri. Nonnulli ad palpitationem cordis Cuminum sæpius masticatum prodesse perhibent.

§. XIV.

Cephalica porro virtute præditum esse Cuminum sunt qui docent, cum enim sale aromatico oleoso constet, in capitis affectibus utique prodesse poterit. Juvat vertiginosos sive malum sit ortum per idiopathiam sive deuteropathiam; suadent hinc ut Cuminum mane & vesperi masticetur; pro majori autem gratia Cuminum Saccharo incrustatum præferunt. Nonnulli Cuminum pulverisatum cum aceto mistum fronti imponunt ad arcendam vertiginem. Ad dolores capitis idem remedium à multis suadetur; uti & ad catarrhos, ut loquuntur, frigidos sacculi Cumino & baccis Lauri repleti imponuntur capiti; suffitus quoque ex Cumino carbonibus ignitis injecto, aut vapor decoctionis cumini naribus excipitur. Ad tinnitum & susurrum aurium idem suffitus vapor deprædicatur. Alii Cuminum miscent cum butyro & aqua calida, aurique guttatim instillant pro eodem scopo, ut & ad sanguinem congruatum ibidem detentum resolvendum. Multi ad Odontalgiam æque ac Otalgiam hoc suadent remedium.

℞. Cu-

℞. Cumin. pulver. p. ij. Myrrhæ ʒss. Elat. ʒij. fac exinde pastam, & forma turundas, quas lacti muliebri intinctas naribus immitte, perque semihoram & ultra relinque, postmodum extrahe, & nares fortiter emunge. Nonnulli facculum Cumino, Sale & Milio refer-tum calide, quantum fieri potest, vertici capitis appli-cant ad dolores dentium ex defluxionibus ortos. Ad memoriam quoque roborandam usu tum interno, tum externo contribuere perhibetur.

§. XV.

Pronunciante ETTMÜLLERO omnia ea, quæ de Aniso dicta sunt, ad Cuminum quoque applicari pos-sunt; hoc tamen excepto, quod illud lac promoveat, hoc vero istud intercipiat, præsertim usu externo, nam & interno usu lactis generationem promovere posse, sunt qui contendunt. Ad lactis autem fluxum nimium arcendum applicatur cum linteaminibus imprimis in aceto decoctum. JOS. QUERCETANUS in *Pharmacop. Phytolog. c. 3. n. 4.* hæc habet, Cyminum cum aceto tu-sum & applicatum intra paucas horas tanquam incan-tamento quodam lactis proventum arcet, & jam gene-ratum expellit, quod per transfennam dictum sit. SEN-NERTUS *l. 4. Prax. Med. p. 3. S. 2. c. 2.* dicit, quod cro-cus & Cuminum collo appensa, ut mammas attingant, etiam lac absumere credantur; qua in re consentien-tem experitur HIER. MERCULIALEM de *morb. mulier. l. 3. c. 2.* ita differentem, ad lac minuendum conveni-unt intinctus ex aceto, Cumino, Croco. Nam no-strates mulieres doctæ longa quadam experientia, ubi volunt lac exiccare, appendunt sibi crocum aut Cu-minum, quæ licet id facere existimentur propria qua-dam virtute, tamen efficiunt etiam, quia exiccant. Et Cuminum à natura hac facultate donatum est, ut a se-se sanguinem repellat, propter quod legimus apud PLINIUM *l. c.* Veteres usos esse Cumino ad concilian-dum

dum vultus pallorem. Supra dictus SENNERTUS l. c. sequentes commendat formulas. \mathcal{R} . Sem. Cumin. q. v. Coqu. in aceto. In decocto madesiat spongia recens. & mannis arcte imponatur. \mathcal{R} . terebinth. aqu. menth. lot. \mathfrak{z} ij. pulv. sem. Cumin. rad. ireos, menth. ana \mathfrak{z} ib. Croci \mathfrak{d} j. Cerae q. s. f. Ceratum molle, conducibile etiam eo in casu, si metus sit, ne mannae ob nimium lactis affluxum inflamentur.

§. XVI.

Hanc autem virtutem discutientem aliis quoque in casibus exerit hoc semen. Sic prodest in fugillationibus Cuminum in pulverem tritum, & cerae ad ignem commistum. Ita quidam parant emplastrum seu ceratum ex pulvere seminis Cumini. Anisi, cum cera ac terebinthina & cum fructu ad sanguinem coagulum resolvendum imponunt. Ad tumores pedum discutientes quidam suadent, ut pedibus prius oleo florum ligustri inunctis inspergatur pulvis ex seminis Cumini & Salis Nitri partibus aequalibus paratus. Juxta TRAGUM Cuminum probe arefactum ac contusum, cumque melle rosaceo & cera temperatum ac impositum, testium inflammationibus, collectionibusque auxiliari dicitur, doloremque sedare. \mathcal{R} . Cumin. pulver. & farinae fabarum ana partes aequales cum suff. qu. mellis f. cataplasma, testibus tumentibus applicandum. OTHO BRUNFELSIUS asserit, quod Cuminum cum uvis passis emplastri modo impositum pudendorum inflammationes resolvat. In affectibus quoque faucium, & praesertim tumoribus earundem resolvendis celebratur, si Cuminum cum caricis & semine foeniculi in vino decoquatur, & os atque fauces decocto calido diligenter colluantur. Ad anginam tale suadetur Emplastrum. \mathcal{R} . Cumini \mathfrak{z} j. sumit. absinth. imprimis recentis, farinae hordeaceae, ana \mathfrak{z} ib. alb. græc. \mathfrak{z} ij. pulver. & c. s. q. Mellis f. Empl. collo calide circumponendum.

§. XVII.

Discutiendo quoque prodest Cuminum in variis oculorum affectibus. Sic suadent, ut cum pulvere Cumini, cera nova, melle rosaceo aut albumine ovi paretur emplastrum vel cataplasma, quod oculis contusis medetur, tumorem resolvendo, dolores abigendo, & sanguinem suffusum atque congruatum resolvendo. Pulvis Cumini cum cera ad ignem mistus tollit omnem livorem secure. Quidam Cuminum cum succo rutæ comiscant, & cum gossypio oculis applicant ad suffusiones curandas. MARCELLUS CUMANUS in *Observ.* hæc habet, Passionibus oculi sine vulnere à contusione vitell. ov. rec. coquass. cum oleo rosac. rut. & pulv. Croc. vel R. Sem. Apii, & cum cera virginea & pulv. Cymin, Msc. & tepidum superimpone. TABERNÆMONTANUS jubet, ut ex ovo perforato albumen emittatur, & in ejus locum pulvis Cumini immittatur, postmodum cum vitello optime uniatur, ovum deinde calore cinerum ad duritiem coquatur, in duas partes dissecetur, & calide, quantum perferri poterit, oculis adhibeatur. Non solummodo autem contusis prodest oculis, sed & iisdem clavis atque nitidis reddendis infervit, dum vel decocto Cumini in vino oculi foveantur, vel halitus Cumini masticati admittatur. Ad pruritum in oculis dissipandum applicant aut oculo immittunt Albumen ovi cum pulvere Cumini remixtum, aut saltem ejus virtute imbutum. Nonnulli Cuminum albumine ovi temperatum cum mica panis fecalini frequenter applicant.

§. XVIII.

Virtutem quoque subadstringentem possidet; hinc in hæmorrhagiis à nonnullis utile perhibetur. Sic OTHO BRUNFELSIUS tradit, quod Cuminum ex aceto confusum sanguinis fluxiones è naribus & menstrua compescat. Consentit de BAYRO l. c. lib. 5. c. 7. dicens, Cu-

Cuminum tritum cum aceto odoratum sistit fluxum sanguinis narium. LONICERUS & TRAGUS perhibent, quod Cuminum sativum tusum naribus inditum sanguinis è naribus profluxum sistat. In tenesmo quoque suo non deest officio. *℞.* Cumini, Resin. alb. Cerae ana p. æqu. Msc. postmodum carbonibus ignitis injice, & suffutum ano excipe. Alii sequens commendant remedium. *℞.* Cumin. pulv. q. s. cum styrac. liquid. f. emplastr. applicandum. Prodest autem, si prius foveatur pars affecta vino, cui incoctum fuit Cuminum. Ad podagram laudatur, si membra decocto Cumini foveantur. Licebit etiam usus, quos extra Medicinam exerit, paucis recensere. Fumus scilicet Cumini in conclavibus accensus culices abigit & necat. Id quod etiam præstat, si parietes decocto Cumini cum vino conspergantur, quo ipso etiam pulices fugari perhibetur. Quodsi quis masticet Cuminum, & succo postmodum obliniat faciem, manus, aliaque membra, à culicibus tutus erit. Quidam Cuminum suspendunt in Columbariis, odorem enim ejus sequuntur Columbae. Alii Columbis Cuminum, vel per se, vel cum lentibus in aqua mulsâ maceratum, devorandum intrudunt: sic enim illas retineri, & non avolaturas sibi persuadent. Addamus hac de re loquentem POMET *Hist. de Drog. l. I. c. 10.* Quelquesuns se servent du Cumin pour peupler les Colombiers, en ce que les Pigeons en sont fort frians, après avoir esté incorporé avec une terre salée, que les Pigeons decouvrent eux mêmes à la campagne, ou d'une autre terre imbibée d'urine, ou de saumure des molnès, ou autres semblables, c'est ce qui fait qu'il y a des endroits, ou il est deffendu aux Marchands d'en vendre. Non dicam jam de usu quem Veterinariis præstat Cuminum.

§. XIX.

Supereſt , ut quoque videamus quænam ex hoc noſtro vegetabili proſtare ſoleant præparata. Putant quidam Cuminum , antequam in uſum trahatur, præparationem quandam debere ſubire. Hæc autem ita inſtitui debet. Cumini ſemina optime repurgata per unum aut alterum diem in aceto macerantur , deinde ſiccantur & reponuntur. Videtur autem hæc præparatio ſupervacanea eſſe, cum exiccatum Cuminum pravam habere qualitatem quotidiana experientia teſtetur. Præterea inefficacius eſt, nam quod de præparatione Coriandri pronūciat JOHANNES ZWELFERUS in *animad. in Pharmacop. Auguſt.* id & de Cumino valet, quia exiccando Cuminum aceto imbutum, exhalat ejus vis carminativa & baſamica una cum aceto, & remanet Cuminum potioribus ſuis virtutibus ſpoliatum. TABERNEMONTANUS ſequens vinum cum Cumino, quod Cyminites vocat, jubet confici. Ita autem ejus præparationem docet. R. Cumini præparati (vel quod melius, Cumini ſimpliciter repurgati) pulveriſati & ſacculo lineo incluſi ꝑix, imitte muſti lb. LXXX. ſive cantharis xv. menſuræ Aſaticæ, & ſimul fermentationem ſubeant. Quo autem citius inclareſcat hoc vinum, ſuaſet, ut doſiolo quoque indantur rapenta ligni Corylini, aut Fraxini. Laudatur tale vinum a Marcello Empyrico tanquam remedium cordiale, ſtomachicum atque ſpleneticum, diureticum item & Lithontripticum, aut ſaltem calculi præſervatorium. Poterit etiam in reliquis morbis ſupra allegatis uſui venire, cæteris ſcilicet paribus. Quibus volupe eſt, illi poſſunt etiam ſaccharo obducere Cuminum, ut major ei concilietur gratia. Sic tanquam pepticum remedium & anhelitus foetorem corrigens poterit vel per ſe uſurpari, vel cum aliis remiſceri.

§. XX.

§. XX.

Officinæ asservant aquam Cumini, quam obtinent per destillationem ex semine solo, quæ quidem virtute stomachica gaudet atque carminativa, sed paulo rario-
 ris est usus, præsertim cum etiam non tam grati saporis sit ac aqua anisi & fœniculi. Magis celebratur & usurpatur, quod una cum aqua obtinetur, oleum destillatum, quod quidam credunt copiosius obtineri posse, si sal vel comune vel Nitrum vel tartarus crudus addatur, de quorum salium additione jam iudicium prolatum in dissertatione de fœniculo. Respuimus & hic putrefactionem seminis præcedentem, antequam fiat destillatio. Pessundat enim olea æthera ut ostendit WEDELIUS in *Pharm. in art. form. redact. l. I. §. I. c. I.* Optimum itaque erit comuni incedere methodo. R. Semin. Cumini contus. lbj. Aqu. fontan. vel pluvial. lbx. stent in digestionem per aliquot dies, postea destilla per vesicam, & oleum postmodum separetur ab aqua vel per tritorium vel per gossypium. Circa usum huius olei tum externum, tum internum extollendum, prolixus admodum est CONRADUS KHUNRATH in *Med. dest. & Med.* Vires autem hoc oleum cum suo vegetabili possidet communes, sed quia partes subtiliores à crassiorum vinculis sunt extricatæ, hinc penetrantius agere poterit. Recensebo itaque jam illa, quæ à prædicto authore, & aliis, de huius olei viribus conscripta sunt. Calefacit ob partes salinas volatiles atque sulphureas, attenuat, digerit, discutit, exsiccant, aperit, atque expellit. Virtute prædictum est Cephalica, doloribus capitis medetur, sive ab æstu sive à frigore, Melancholia aut crapula, aliisve causis exortis, sive etiam per consensum ex ventriculo ortum traxerint. Conducit in catarrhis, gravedine atque Coryza. Medetur vertigini, convenit in apoplexia & epilepsia tum curative tum præservative. Memoriam confortat, internis capitis

pitis læsionibus & narium ulceribus succurrit, hæmorrhagiam narium sedat, oculos reddit nitidos visusque aciem conservat. Tinnitum & susurrum aurium abigit, auditumque juvat. Dentibus est amicum & anhelitus gratiam conciliat.

§. XXI.

In morbis pectoris insignem quoque operam præstat hoc oleum. Deobstruit pulmones atque expurgat, expectorationem promovet, infarctui & apostematibus medetur. In asthmate & respiratione difficili suppetias fert; prodest in tussi tam recenti quam inveterata. Cordi auxiliatur, illud roborat & ejus malis prospicit, imprimis autem palpitationem profligat. Lactantibus nutricibus si Lac deficit, illud redire facit, & refarcit. Ardorem stomachi, quam sodam appellant, compescit. Ructus, imprimis acidus, atque singultus curat. Sic HARTMANNUS in *prax. Chym.* docet, quod in singultu symptomatice oleum Cumini interne aliquot guttis præstet. Nauseam & vomitum coerces. Roborat & excalefacit Ventriculum, fastidium ciborum removet & appetitum excitat, concoctionem promovet, flatus discutit, cruditates acidas & pituitosas corrigit, & dolores imprimis cardialgicos demulcet, & Lypothymiis, à doloribus capitis & vertigini ex Ventriculo oriundis adjumento existit. Ob virtutem suam penetrantem & carminativam flatus in intestinis disjicit, alvumque simul apertam servat. In colica præsertim flatulenta egregie se gerit. Audiamus rursus HARTMANNUM hac de re in *tract. de oleis Chym. destill.* hunc in modum differentem. Contra colicam injiciatur prius enema comune, cui enemati incoquantur radices iridis florentiæ, & si enema effectum suum satis præstitit, umbilicus oleo Cumini calide inungatur, dolores quam primum sistit. Hoc autem imprimis hoc loco est observandum, olea hujusmodi sine
noxa

noxa non posse usurpari , si corpus antea non fuerit purgatum : nec gravidis ultra granum est exhibendum. Nam & interno usu hoc in affectu cæteris paribus se commendat. *ACHILLES GASSERUS observ. Med. 72.* hæc tradit. Colica in matre mea Ursula Randecia brevi perfanata fuit vapore decocti mesenterii vitulini sede excepto, ventre toto probe contexto, & exhibitis olei Cymini guttulis aliquot ex vini optimi ʒj. emollita enim materia dura obstruente successit alvi dejectio copiosa, pituitosa, sudore dein dolor discussus est. In passione quoque cardiaca commendatur & interne & externe. Celebratur etiam multum in tympanitide. Basin constituit Olei carminativi , quod *HADR. a MYNSICHT. in Thes. & Armament. Med. Chym. sect. 32.* describit. ℞. Olei seminis Cymini ʒß. ol. fœnic. anisi, carvi ana ʒj. ol. anethi : aurant. cham. ana ʒß. Msc. & ad usum reponere. Medicamentum vere anodynum est. Discutit enim flatu. Hysteralgiam & omnes morbos ex ventositate ortos tollit. Tum quoque dolores pectoris, Ventriculi, Lienis, Intestinatorum, Renum & Vesicæ lenit atque placat. Melancholiæ flatuosæ seu hypochondriacæ auxilio est. Dosis à gutt. jv. ad v. & vj. in vehiculis appropriatis.

§. XXII.

Ob vim diureticam conducit in stranguriâ, dysuria , & ischuria , ardorem enim compescit , urinam pellit, calculum promovet, & sabulum expurgat. Commendatur in obstructionibus Hepatis & doloribus ejusdem visceris a frigore præprimis productis. In anasarca, Ascite , aliisve a colluvie serosa ortis affectibus locum invenit, & dissipando & educendo aquas. Inservit quoque in variis Lienis malis, infarctu & inflatione. Utile etiam est vulneribus ad lienem pertinentibus , ut tradit *ADRIANUS ZIEGLERUS in Pharmacop. Spagy.* Uterinum quoque censetur remedium egregium

gium. Laudatur in passionibus hystericis seu suffocatione matris. Uterum excalefacit, dolores ejusdem sopit, Colicam hystericam inhibet, menses, foetum tum viventem tum demortuum & secundinas pellit. In maribus dicitur Priapismum & Satyriasmum tollere & gonorrhœam sedare. In suppressis hæmorrhoidibus fluxum rursus procurat.

§. XXIII.

Oleum Cumini in cachexia præsertim pituitosa prodest, sanguinem attenuat, purificat, ejusque motum reddit liberiorum. Sanguinem congrumatum a casu vel contusionibus resolvit & sæpe per urinam educit. In doloribus atque tumoribus internis quicquid fere tenax est incidit atque educit. A quibusdam deprædicatur in morsibus & puncturis animalium venenatorum, item in assumptis aliis venenis. Ne tempore hyberno quis à frigore lædatur, nonnulli suadent, ut singulis diebus de oleo Cumini & oleo Piper. in vino hauriatur. Dosis hujus olei est ad gttj. ad vj. & viij. pro ratione circumstantiarum. Hauriri potest vel in vino vel in spiritu vini, in aqua destillata propria, aut alia appropriata, item in decoctis, syrupis, aliisque vehiculis. Nihil obstat etiam, quo minus & ex hoc oleo destillato paretur Elæosaccharum Cumini, assumendo ad ʒj. Sacchari guttas vj. vel. viij.

§. XXIV.

Usus porro hujus olei externus quoque lustrandus venit. Capiti illinitur in catarrhis a frigore exortis, gravedine & coryza. Pro lubitu poterit addi oleum baccarum Lauri. Caput roborat & vertigini medetur. Dolores à causa, ut loquuntur, frigida contractos aut à casu & percussione ortos vertici inunctum demulcet. Prodest oculis lippitudine laborantibus, pruritum mitigat eorundem, & nitorem iis conciliat. Comiscet autem vel cum albumine ovi, vel pani recenti ex cli-
bano

bano extracto instillant, qui panis adhuc calidus oculis applicatur, qua ratione & maculæ oculorum delentur. Cum gossypio oculis applicatur ad sanguinem congruatum dissolvendum, quo in casu nonnulli jungunt oleum rutæ. In Nyctalopia cum melle mixtum palpebris imponitur linteo inunctum. Faciem claram nitidamque reddit, & à pustulis atque fugillatis repurgat, cum melle illitum, aut cum saliva hominis jejuni usurpatum. Sanguinem congruatum in auribus resolvit, tinnitum atque sibilum & susurrum curat instillatum. In hæmorrhagia narium aceto instillatur, qua mixtura deinde turunda imbuitur & naribus intruditur. Odontalgiam a defluxionibus dependentem solatur hoc oleum, vertici cum oleo baccarum Lauri affricum. In tumoribus faucium collo illinitur. Raucedinem profligat, si eo cum oleo amygdalarum remixto pectus foveatur. In nimia lactis abundantia, item ne mammæ luxurient & pendulæ rursus rigeant, hujus olei usus externus deprehensus fuit proficiuus.

§. XXV.

In stomachi affectibus celebris quoque existit applicatio hujus olei extrinsecus facta, dum ventriculo inunctum ructus, nauseam & vomitum arcet, ventriculum roborat, atque concoctionem promovet. In inflatione abdominis umbilico & abdomini illinitur. Colicam mulcet, vermes necat & expellit, præsertim cum felle taurino mixtum. Cardiacam infantum passionem expugnat, circa costas nothas illitum atque clysteribus permixtum. In hydrope præsertim tympanitide suo officio non destituitur. Sunt qui cum oleo ceræ, terebinthinæ & juniperi ad sanguinem congruatum in abdomine resolvendum suadent. Moderate urinam, cui, teste ERTMÜLLERO, odorem suum fortiter affricare solet, movet, hinc in stranguria & dysuria prodest. Ad sterilitatem deprædicatur, si sinus

de virtutibus hujus extracti, sicuti quoque sal. Cumini per incinerationem & crySTALLISATIONEM paratum nihil peculiare obtinere videtur.

§. XXVII.

Prostabant olim in officinis Pharmaceuticis species; quæ variis solebant confici modis. Juxta Mæ-
suen sequenti conficiebatur modo Diacuminum. R. Cumini pridie aceto macerati & exsiccati drachmas viginti, Zingiberis, Thymi ana ʒiij. Piperis, Cinamomi ana ʒij. Ammeos ʒiʒ. foliorum Rutæ siccatorum modice, nam plusculum siccata excrementosa sunt, Baurach rubei (per quod intelligitur Nitri spuma) ana ʒj. f. pulvis, qui cum melle despumato facile in Ele-
ctuarium conficitur. In DISPENSAT. AUGUST. hocce præscribitur Diacuminum Nicolai. R. Cumini prius per diem naturalem in aceto infusi & rursus exsiccati unciam unam, scrupulum unum, Cinamomi, Caryophyllorum ana drachmas tres, cum scrupulis duobus Galangæ Thymbræ f. Saturejæ, Calaminthæ, Zingiberis, Piperis nigri ana drachmam, scrupulos duos; Ammeos, Ligustri ana drachmam unam. scrupulum unum, grana sex, Piperis longi drachmam unam, Spicæ, Nucis moschatæ, Cardamomi ana scrupulos duos semis. Thoracis præcordiorum ventriculi & viscerum imbellicitati à frigida causa natæ, ac oxyregmiæ opitulatur, stomachicis convenit, intestinorum flatus dissipat, hypochondriorum distentionem à nimia cruditate & flatibus profectam aufert, viscera calefacit & concoctionem mire juvat; arteriacis itidem, difficultati spirandi, & tussi ex frigidis crassisque humoribus ortæ auxilio est, nec non inflatis, colicis & quartanariis plurimum prodest.

§. XXVIII.

De modo dicto autem Diacumino non admodum magnificum judicium fert ZWELFERUS in Anim.

Pharmac. August. Præparatio seminis Cumini pro Diacumino Nicclai plane destructoria est & illegitima, cum nullius veneni, aut alterius qualitatis nocivæ, correctione indigentis, particeps sit; utuntur enim illo frequentissime plurimis in locis, inque satis larga quantitate, in cibis, jusculis potissimum, aliisque eduliis, ita per se nulloque aceto castigato, sed integra ejus virtute vigente. Quid enim præstare potest, illa destitutum, præsertim si in tam exigua quantitate, uti solet, propinetur. ZWELFERO prælixè respondet LUCAS SCHROECKIUS in *Pharmacop. August. restit.* his verbis. Seminis Cymini cum aceto pro Diacymino Nicolai præparationem plane destructoriam appellat, & illegitimam, cum nullius veneni aut alterius qualitatis nocivæ, correctione indigentis particeps sit, ejus autem non præparati frequens usus in cibis condiendis existat. Unde nihil præstare putat, quia virtute carminativa destituitur, præsertim in exigua dosi, qua in medicamenti illis propinatur. Quæ consequentia? Cyminum nullius venenatæ vel nocivæ qualitatis particeps est; Ergo cum aceto male præparatur. Non solum res illæ præparationi destinantur, quæ venenum vel aliud quid nocivum in se continent: sed & multæ aliæ. Sic DAN. SENNERT. *Instit. Med. l. 5. p. 3. s. 2. c. 9.* macerationem fieri statuit; ut 1. vis Medicamenti extrahatur; 2. nonnullorum malignitas corrigatur. 3. Vis Medicamenti intendatur, prout radices aperientes aceto macerantur, ut vis incidendi augeatur; 4. dura emolliantur, atque ad coctionem præparentur. Sic bolos vel terras medicinales cum rore majali, decoctis nonnullis &c. imbuere & exsiccare ipse ZWELFERUS præcipit, non pro nociva qualitate ipsis adimenda, sed ut majoribus virtutibus imprægnent. Augustani autem causam illius cum aceto macerationis cum

cum non assignent , illam nocivæ alicujus qualitatis correctionem tam audacter pro vera venditare , haud decuit; quanquam ob tertium , à SENNERTO positum scopum eam fieri credibile sit. Istam vero cum aceto maceratione vim Cymini carminativam destrui, ZWELFERUS minime probat. Si ab aceti substantia hoc deducit ; libenter modum , quo acetum hoc præstare queat, scirem. Si ob insequentem macerati Cymini exsiccationem, aliquam virtutis carminativæ partem in aërem abire, equidem concedo ; ast omnem plane destrui pernego. Sin acetum, quo Cuminum maceratur effundi & separari, ac cum eo vim quoque carminativam objici existimat, fallitur, dum Cuminum una cum aceto exsiccatur. Neque etiam tanta aceti quantitas fumitur, modicum enim ejus sufficit. Ubi SENNERTI *d. l.* de liquoris ad macerationem adhibendi mensura sententiam notare decet, dum magnam rerum infundendarum diversitatem, nec scopum semper eundem esse pronunciat. Licet in condiendis cibis Cymini non præparati usus sit, propterea tamen pro ejus usu medico præparari non posse , nemo concludat. Qui tamen Cuminum non præparatum dictis quoque speciebus, loco præparati, addi posse existimant , illis litem non movebo, Quodsi mihi Tyroni hac in re aliquid decidere liceat, asserere audeo, utrumque celeberrimorum horum authorum non omnino iniqua dicere , & utriusque sententiam cæteris paribus locum habere posse, cum uno in casu major, in altero refrænata desideretur virtus carminativa.

§. XXIX.

JOH. JAC. WEAVERUS in *antid. spec. l. 2. f. 21. de elect. calef.* unum nobis adhuc suppeditat electuarium de cumino. R. Cymini pridie in aceto macerati, deinde siccati 3x. Zingiberis, Cinamomi ana ʒß. Caryophyllorum, Ligni Aloes, Macis ana ʒiib. Galangæ, Piperis

peris longi, Cardamomi ana ʒij. Moschi ʒß. Mellis de-
spumati quantum sufficit. Fiat electuarium forma con-
venienti. Conservatur annis duobus. Ventericulum &
viscera reliqua calefacit: concoctionem juvat, flatus in
dictis visceribus natos dissipat. Ex his aliisque specie-
bus Diacymini parabantur tabulæ quoque Diacymini.
Sic allegatus *AUTHOR* sequentes præscribit. *R.* Spec.
Diacymini ʒß. vel ʒvj. Sacchar. alb. in aqu. fœnic. dis-
solut. tßß. fiant tabulæ. Noxam ventriculi corrigunt:
tussiculosis, difficultati spirandi, inflationibus sunt ad-
jumento. *ADR. MYNSIGHT* in *Thef. & Armament. Med.*
Chym. S. 8. hæc annotat rotulas Diacymini compo-
sitæ. *R.* Spec. Diacym. Dianis: ana ʒß. Diamosch.
dulc. Diambrae ana ʒj. Balsam. Sulph. anis: Oleo fœ-
nic. ana ʒj. ol. Aurant: ol. Mac. ana ʒß. Sacchar. albiss.
in aqu. Bened. Serp. nostr. dissolut. ʒxvj. Msc. & f. l. a.
confectio in rotulis. Intestinorum flatus potentissime
dissipant, & prosunt ad omnes frigidos affectus. Ce-
phalicis, Vertiginosis, Stomachicis, Tussientibus, Asth-
maticis, Cardiacis, Jecinorosis, Lienosis, Inflatibus, Co-
licis, Quartanariis & senibus mirifice succurrunt. Con-
coctionem juvant. Cachexiam emendant, & Hypo-
chondriorum distentionem saluberrime liberant. De
quibus æger unam atque alteram ad lubitum sumat.

§. XXX.

Supereſt, ut etiam sermonem faciamus tantopere
decantati emplastri de Cumino, quod sequenti para-
tur modo. *R.* Seminis Cumini, Baccarum Lauri, Ce-
ræ citrinæ ana libram unam, Resinæ Pini libras duas,
Resinæ communis libras tres, olei anethi quantum fa-
tis, sive libram semis. f. l. a. emplastrum. Roborat,
resolvit, flatus discutit, conducit ad fracturas & luxa-
tiones. Quid in contusionibus possit, declarat obser-
vatio à *SIMEONE JACOBO* communicata *LAZARO RIVE-
SIO* *Observ.* 18. quæ ita se habet. Dux quidam milites
con-

conducens primo mensis Maji 1645. è summis scalis cecidit in subjectum dolium, vulnusque contusum accepit in dextro latere, ad costas nothas, ita ut multo sanguine circa illas partes effuso perpetuus dolor, isque sævissimus cruciaret ægotantem, qui vix ac ne vix quidem sese movere, nec loqui, nec spirare, nec tussire posset, quin statim ingentes clamores ederet. Vocatus ego venam subito aperiri jubeo ex eodem latere, & emplastrum de Cumino apponi partibus dolentibus, quo per duodecim horas gestato, & semel renovato, dolor valde imminutus est, lividus partis color disparuit, melius spiravit, ac sequenti diè è lecto surgere coepit, sicque post alterum diem discessit. Confirmatur talis hujus emplastri virtus ulterius per id quod observavit ipse RIVERIUS & continetur *Cent. 3. Obs. 19.* Sacerdos Septuagenarius, constanti virium robore præditus, vulnus contusum accepit in superiori humeri parte, à fuste inflictum, unde dolor acerbus eum cruciabat, & pars livida admodum apparebat. Illi statim secta fuit vena & admotum emplastrum de Cumino, postridie exhibitum blandum catharticum. Perseverabat dolor, quæ de causa oleo ceræ pars affecta inuncta est calide frequenter desuper admoto prædicto emplastro, sicque intra 24. horas dolor omnis sublatus est, & pristinus color parti restitutus. Et hæc de Cumino ejusque viribus dicta sufficiant. DEUM TER OPTIMUM MAXIMUM supplex precor, velit studiis meis & in posterum ita benedicere, ut omnia cedant in Ter Sancti sui Nominis gloriam, proximi salutem. Cui Summo Archiatro immortales in seculorum secula grates devotus persolve.

T A N T U M.

COROL-

COROLLARIA.

I.

Maximam plantarum partem, quas flore atque semine carere existimabant veteres, utrisque instructam esse, à modernis hodie evictum, & ad oculum demonstratum est.

II.

Omnis planta vel est mas, vel foemina, vel Hermaphroditus.

III.

Pulverem istum genitalem, sulphurei coloris, quem apices florum fundunt, propagationi plantarum inservire, rationi consentaneum videtur.

IV.

Neque ex loco natali, neque ex colore, signaturis, odore, sapore, atque ipso caractere firmum satis judicium sumi potest virium plantarum, nisi experientia conjungatur.

V.

Varii generis morbis plantas esse subjectas, extra dubitationis aleam positum est.

VI.

Botanica, quatenus spectat Medicinam, non Pharmaceutices modo, sed & Therapevtices, nobilior pars merito appellatur.

Heut kan die kluge Welt aus Deinen
Schriften lesen

Wie fleißig/ Werthester/ Du biß anher
gewesen.

Deßwegen nimm dann auch / mit wohl-
geneigtem Sinn

Den Freundschaft vollen Wunsch von
Deinem Diener hin.

Es wird Apollo Dich auf höhre Stufen
führen

Und mit dem DOCTORS Hut Dein Edles
Haupt beziehen.

Ja wann wir unsre Reiß vergnügt zurück
gelegt/

Wird aus der Schönen Schaar/so un-
ser Straßburg hegt/

Ein Jugendvolles Kind an Deiner
Seite wohnen

Und Deine Müß und Fleiß mit treuer Liebe
lohn.

Dieses wenige wolte Seinem Werthgeschätzten
Freund gratulirend besetzen und sich dessen
angenehmen Freundschaft ferners recomen-
diren / dessen allezeit ergebenster Diener und
Freund

J. Boecler M. C. E. Opp.

E

Dhn

Ihn grosses Wort: Geprång und hohes
Reimen-Zichten/

Will ich heut meinen Sin auf treue Zeilen
richten:

Der Höchste segne Dich und den Gelehr-
ten Geist/

Der Dich Geliebter Freund fast zu den
Sternen reißt/

So bleibest Du beglückt wie auch Dein
Unterfangen/

Und was man Dir gewünscht das wirst
Du bald erlangen.

Mit diesem wenigen wolte Seinem Werthen
Freund aufwarten

J. G. Salzmann M. C. Opp.

Wer Weißheits Blumen bricht/ und ihre
Krafft erkennt

Wer den Apollo hält auf seinem Helicon
Und wer Machaon gleich nach Wissenschaften
rennet/

Dem grünet um die Schläff zulezt die
Lorbeer-Kron.

Wie Du/mein Werther Freund/Parnassus
Ehren-Hügel

Erkletterst: zeigt Dein Fleiß / den hie
das Aug erblickt:

Der

Der Höchste segne Dich. Diß ist der Freunds-
schafft Siegel/

So eine treue Hand zu guter Leht hin-
drückt.

Hiermit wolte dem Herrn Licent. als seinem
werthgeschätzten Freund aufrichtigst gratu-
liren dessen Ergebenster

J. F. Breyer. M. C. Franc. Oppon.

Du zeigst geehrter Freund uns wieder neue pro-
ben

Von Deinem Hohen Geist und unermüthem Fleiß/
Du bist mit allem Recht als Ehren-Mann zu lo-
ben/

Weil Momus selbst an Dir / nichts als zu rühmen
weiß

Du eiletest ja kaum von Themis Weißheits Schulen
So schwung Dein hoher Geist sich schon zum
Musen Thron

Da andre noch gedacht um Phoebi Kunst zu buhlen
So trugst Du schon den Preis von Pallas Hand
davon/

So laß Dich ferner hin Minervens Lehren führen/
Halt Esculapens Kunst mit Recht-und steiffen
Muth

So wird Dich Phoebus selbst mit Ehr und Würde
zieren

Wann er Dich krönen wird mit einem DOCTORS
Huth.

Gesetzt von einem aus der Zahl der guten
Freunde

J. G. Pfähler M. C. Opp.
E 2 Betritt

Betritt Geliebter Freund anheut die Lehrers
Stufen/

Wohin die Weißheit Dich als ihren Sohn beruffen/

Zeig der gelehrten Welt was Du bißher studirt/

Wie Du den mündern Geist in Feld und Wald
geführt/

Des Grossen Schöpfers Macht in Kräutern zu
ergründen/

Auch derer Eigenschafft/ Krafft/ Saft und Werth
zu finden/

Da Du die Tugenden derselben trefflich weißt/

So daß Dich jederman ob solcher Lehre preißt.

Noch dieses ist genug von den gelehrten Proben

Die Du schon abgelegt/ auch mehrers muß Dich lobē/

Nicht nur ein jederman/ ja selbst die Medicin

Lobt Deinen mündern Fleiß und den gelehrten
Sinn;

Deßwegen sie Dir will den DOCTORS-Huth auf-
setzen/

Daß sich die Krancken bald an Deinem Rath ergö-
zen/

Und Deine Wissenschaft das Leben wieder gibt/

So bleibt Dein Müh und Fleiß durch alle Welt
beliebt.

Dieses sehet des Herrn Licent. ergebenster
Freund und Diener

J. Weigen M. Stud.